



粵閩巡視紀畧

經筵講官工部尚書



癸酉行三十里至洛陽橋又三十里過惠安縣

元年畫界自洛陽橋歷石任寨

下金山下曾山
文筆山柳庄溪

石寨丘
戶村

至九峯寨為惠安邊邊界以外斗入海

四十里黃崎灣三十里崇安所峯尾二十里白

沙獺窟十五里橫頭澳皆移共豁田地一千九

百九頃有奇於石任諸處因界設守八年展界

安兵十八處

石任五十名白沙尾十名烏石山十名埔塘把總一兵七十名獅捲

山十名岩鼓

山十名古樓山守備一兵一百二

十名雞母山

十名東吳埔十名許山十名承天

山十名陳坑

山把總一兵一百名後張山十名

龍田山千總

一兵一百名白井山十名前塗山

十名九峯

十名南莊十名今從惠安營撥守七汛崇武所千

名南莊十名

今從惠安營撥守七汛崇武所千

總一兵四十名小岞把總一兵三十名獺窟二

十名黃崎澳二十名輞川十名峯尾澳三十名

沙格澳二十名候閱定

宋朝會要云太平興國六年析晉江地置惠安

縣於螺山之陽其地故爲三國吳將張廋墓徙

之青山而置署焉今縣庫卽廋葬處也有古縣

基在龍窟嶺而真如溪發源橫溪東至龍田又

南至古縣入添崎港今龍田古縣皆置戍此縣

治不知何代所置

石船山在洛陽江北山頂有奇石如船明邑令

葉春有詩云石船高駕碧山頭似畏風波急暮

流十二時中平地起問君何處不堪愁又木蘭

爲檝桂爲橈南接端明學士橋我自虛舟人不
識海門風雨日瀟瀟

今訛爲石任山

鳳山山形如鳳掠海濱三國吳將黃興葬其下
時見靈異里人廟祀之宋淳熙間海寇犯小兜
大岞忽有兵馬聲自廟出寇不敢犯一境得全
紹定間聞於朝封順濟侯

樓山環繞縣治一名畱山

烏石山一名靈鷲山上有清泉石室蔡忠惠嘗

讀書於此有伏虎巖宋祥符中僧道養居於巖
下與虎狎習夜寢其穴時抱虎子示人巖以此
得名稍南有五公山梁時五公隱此曰唐公寶
公至公化公朗公也山有石鼓似卽岩鼓山蓋
岩鼓當作石鼓也稍北有塗嶺以涂姓兄弟三
人沒而爲神宋淳祐間賜號昭惠故名前途之
名似亦緣此也

大聖山東臨大海堪輿家謂之大象捲湖有巖

曰樂巖在海中饒林麓之美明初徙其民入內

地獅捲山似與相近

下曾溪源有三一出上曾溪過上田小橋一出

上范溪過上田大橋會於充口入馬山埭

陳平山唐時有堪輿家曰陳平騎牛而化葬此

似卽陳坑山

文筆山三石錯立如鼎耳舊名香爐或積石於

兩耳剡其中謂之文筆對學宮之前

九峯山在文筆山南峯有九斷續向背若蹲獸

若盤螺或翼而翔或俯而伏若立而拱

輞川鎮在縣治東二十里支海中之孤巖也縣

治東面大海南爲洛陽江之支海而輞海自東

盪其脅峯崎港自縣北來合之凡爲縣西北之

水曰菱溪曰驛坂曰菱布曰龍津曰南坑皆滙

此港峯崎山實當其衝縣之水口山也山之北

有橋曰青龍宋僧道詢所建港又東入於輞海

鎮與內峯僅隔一水舊以舟渡人衆爭先數致覆溺成化間縣令張桓作橋曰輞川橋鎮民數百家以賈海爲業嘉靖間苦倭縣令陳玉成創爲城而後令蕭維美成之東西南各一門北小門二東小門一其外有竿巘文城而障焉自京崇武所在大岞山縣東南極境也爲二十七都地故設操屯軍千二百二十一名東面距海南對泉州之祥芝北望興化之湄洲泉之上游也

北至平海南至末寧日湖泉州港各一潮水澳中藏北風船三十餘宋爲小兜巡簡司末樂間邑有倭患始築城并築獺窟小岞黃崎峯尾四城聯絡扞守於外焉嘉靖末陷於倭萬曆己未復爲海寇所躡少北爲大岞澳可泊南風船二十餘夏至後賊嘗伏此徂伺北來之商最稱險要山多小石如鐵色扣之作磬聲山南有洞朗豁可容四五百人旁一小門僅可側身入入丈

許右轉有大石當道如屏內更寬廣民避寇者
多往焉又有石倚江渚巖罅如龍名龍喉山海
中產龍蝦一名蝦杯一名蝦魁大者五色次者
名蝦姑泉人謂之青龍最小者曰苗蝦嘗對插
之曰對蝦王世懋閩部疏曰長五尺其鬚四纒
長半其身睛凸出上隱起二角負介昂藏形似
小龍尾吐紅子如榴花色開元遺事載其名狀
云如蜈蚣尾如僧帽又生沙參歲饑居民掘之

可飽數日旁有青山卽張梱徙葬處相傳梱生
時嘗屯兵是山以禦海寇改葬時得銅牌上有
文曰若逢崔知縣移我上青山遂移於此虞允
文拒金兵於采石見空中有大旗題曰張將軍
青山人從軍者爲言梱事允文聞之朝賜勅封
景炎間累封至靈安王

獺窟巖在崇武南十里邑東南三十里爲二十
五都地可泊北風船四十餘故設巡簡司北障

前頭山南榮覆釜歷祥芝岱巽可入泉港寇至
舉烽內外警息巽北有橋七百七十間潮至卽
沒潮退可渡宋僧道詢所建

小岞山在大岞之西北去縣四十里亦二十七
都地故設巡簡司城立山巔四面環海特出海
上有洞可容數百人巽前後皆灣澳賊氛窺覷
所時至也宋時李陳二姓居之李之先有日文
會者宋建炎中進士歷殿中侍御史權叅知政

事陳則自侯官徙兩族皆勤儉守禮爲郡邑所
矜武地產紫菜其生粘石上潮至則鬚鬢搖漾
嫩者搓之成索曰索菜生時正青乾則色紫卽
吳都賦所云綸組紫菜也稍西十里曰淨山一
名尖山亦瞰海多怪石如水齧最高而削拔者
三登之可見日旁有石竇中空洞可居今湮廢
矣產朱丹石宋僧道詢生此
黃崎舊名寧崎在縣東三十里爲三十二都地

故設巡簡司高山特起三面瞰海南鄰小岬北
與峯尾隔海對峙如川而輞海貫其中至輞川
鎮一潮水商賈所集東北與湄洲南日遙相望
也崎下多礁賊舟不敢輕至滷氣所侵草木不
茂土色微黃故名黃崎又以勢如立旆故名揚
旗地產鐵宋置鐵鑪宋主御玉青旗四色紫明
峯尾澳蓋峯崎之尾也故有巡簡司北障沙
格南距黃崎與興化之吉了湄洲相犄角賊

船多泊於此巡兵番汛焉自左支一潮入於
楓亭

是日又行五十里止僑遊之楓亭驛

興化府屬縣二皆臨海曰僑遊曰莆田莆田附
郭元年畫界白九峯寨歷楓亭驛梅嶺至壺公
山尾爲僑遊邊邊界以外附海二十里東沙十
里厝頭三里陡門皆移共豁田地八十一頃有
奇八年展界安兵三處楓亭寨把總一兵二百

二十名塔頭十名東沙十名今不設守候閱定
唐嗣聖間設清源縣於大飛山南天寶間別駕
趙順正謂縣名同郡爲非是奏改僊遊以其地
有何氏九僊遺蹟故也宋紹興間始築城峯尾
莆禧之間海支內入仙遊當支之窮處其海中
有小巽故設巡簡司嘉靖間以邑之白隔嶺多
盜移巡司以防之東沙諸境卽小巽內濱海地
也

楓亭驛在錦屏山下有楓亭市亦以九僊得名
九仙豫章人生漢景帝時兄弟九人皆盲獨長
者有一目父曰何翁與淮南王遊九仙勸父俱
隱不從遂相與入閩初居福州于山已而遊莆
至西州謁胡道人飲以所居井泉九人眼盡開
乃西行六十里結楓爲亭以居此地所由名也
後又入九鯉湖湖在山之東重山疊巘怪石交
列湖底皆石石各有穴環屈相通深處不可測

九鯉潛其間九人煉丹湖上鯉餌其餘鱗鬣皆成朱色昂首噴沫湖水爲溢勢欲飛舉九人各乘其一以上昇旁有九滌曰雷轟曰瀑布曰珠簾曰玉筍曰石門曰五星曰飛鳳曰碁盤曰將軍皆名勝也楓亭溪源出阜洋合吳坑赤湖蕉溪諸水滙爲沙溪至太平港有溪海會流石刻蔡君謨筆也港之南有陳洪進故居昔有隱壺公山亦曰壺山接莆田境九域志云昔有隱

者遇老人邀至絕頂見臺殿宮室非人間老人曰此壺中日月也後乃因以名山前志云有陳壺者隱此得仙故名或曰乃陳胡二仙胡卽九仙之師也莆西有靈潭廟井泉猶在卽胡仙爲九仙療眼處今其地猶有陳胡里云山高千餘仞方銳如圭首峙立如展旗有真淨巖登之所眺一郡諸山又有虎丘巖宋徐思仁云凡山居以怪石奇峯走泉深潭老木嘉草新花視遠爲

勝獨壺公虎丘巖能兼之又有靈雲南泉竹峯
諸巖及桃花洞蘸月池盤陀石法流泉濯纓浴
石壁峯碧溪灣又有蟹井泉出石穴中其脈通
海視潮盈縮中有雙蟹每旱禱雨以茅葉引置
缶中迎歸卽雨宋彭乘墨客揮犀云壺山有柏
一株長數尺半化爲石蔡君謨見而異之徙置
私第山爲一郡之鎮朱晦翁過此指謂人曰莆
中人物之盛乃此公作怪自蔡君謨興水利灌

民田引水遶壺公山自是科第視前益多元郭
完隱此與方時舉二十二人結壺山文會有集
行世有龍潭在壺山之西弘治志云元時有范
氏養馬潭邊馬與龍交而生龍馬事聞於朝詔
取之馬至大義鎮念母一馳卽歸范氏爲其所
苦因殺之

甲戌行六十里至興化府又四十里止江口寨自
寨東行二里卽內海也

泰元年畫界自壺公山尾歷壺公山首天馬山清浦村勝塔

至江口為莆田邊邊界以外斗入海六十里莆

禧所吉廖五十里平海衛附海十五里南酒林

十里下尾三里東雲及江口勝塔兩岸海灣之

村若勾土上皇港東珠浪等皆移共豁田地四

千四百三十頃有奇於勝塔等處因界設守八

年展界安兵二十二處東港山十名東雲十名

白沙千總一兵二百名鳩頭山十名陳店山十名後架把總一兵九十名陳墓守備一兵一百八十名忽石山十名馬

山十名天馬山把總一兵九十名鄒會徐十名

惠洋十名五龍十名東華十名海濱十名寧海

橋千總一兵二百十名白墓把總一兵一百四

十名張井十名鹽場十名岸勝五十名周堤尾

十名江口橋把今從興化營撥守十七汛涵江平海

衛一百名青山把總一兵七十名嵌頭五十名

美爛三十名寧海橋千總一兵四十八名東華

二十一名百美寨把總一兵七十名岸勝寨把

總一兵六十四名南埕八名白墓八名張井八

名東蔡寨兵四十一名後郭五名馬峯六十名

忠門汛千總一兵一百名莆禧所六十名吉寥

寨把總一兵候閱定六十五名

宋乾德二年置平海軍於清源郡即今仙遊縣

地也其地有游洋洞多盜賊太宗置興化縣以治之尋又改興化軍遊洋在仙遊縣之興泰里至今俗稱舊縣閩書以爲卽平海衛者誤也太平興國八年徙軍治於莆田縣洪武元年改爲興化府莆田以地產瑞蒲而名後乃去水爲莆陳天嘉二年章昭達敗陳寶應於莆口卽其地也隋開皇九年始置莆田縣唐嗣聖間析莆田置清源郡府治旣徙仍以莆田爲附郭縣云

天馬山卽塔山在莆田里一名文峯巖巖下有伏龍穴明御史朱澍居之有天馬賦序云壺公東分一支屏翰海上列爲五侯復折而西行隱見起伏且數十里結爲文峯端偉秀拔飛動不居有天馬行空之勢故名賦云越嶺徼破閩荒望莆口過游洋挈入壺之右派遙五侯於上蒼靡然東馳忽焉西顧挹穀城之仙風愛沙堤之烟樹擷錦園之芳蕤擢銀塘之橫素島與明滅

滄桑朝暮東五里爲城山亦曰黃石山下有黃石市山形如植笏蓋卽所謂忽石山也本名國清山又訛爲穀城山五侯山正視之五峯側視之兩峯自郡城視之三峯故又名雙鬢亦名筆架也迤邐入海爲持久山海中突起二巖一青色曰青巖一赤色曰赤巖皆如覆釜而西曰白沙溪在新興里發源鐵嶺白雲鼓角諸山至大山西合流北行與大溪合白雲山在南白沙山也南望卽大海

東雲蓋東陳之訛也其地有浮山在靈川里近海下有東沙村地連仙遊唐長史陳琨居其東曰東陳元陳紹叔居其西曰西陳五龍廟在常泰里入瀨溪上亦曰碧瀨又名鼈瀨昔有黑白二龍現故作廟祀之地多奇石秀

賦巧琢如青玉或中裂一罅如甬巷或平展如
田或鏘入如車軌或陷下如履武蹄涔捫而行
拂以臥淨滑可喜蓋皆海水盪滴而成也瀑穿
崖隙滙爲潭蜿蜒澄泓駭視沁骨土人侈爲奇
勝云
海濱地名有嵩山上有嵩山院院後石壁苔紋
成文筆峯三字剗去復存其旁海中有小巛潮
退有石橋可度居民千餘家唐觀察使柳冕監

羣牧於此有德於民建廟祀之曰柳侯廟宋余
謙一作記俗呼爲侯巛後遂訛爲猴巛閩書曰
卽仙遊之小巛也

惠洋疑卽龜洋其地有龜山在文賦里唐末僧
無了居之有六眸巨龜足躡四龜如俯仰作禮
者三遂卓錫焉曰名其地曰龜洋無了閩封真
寂大師塔曰靈覺
東華溪在連江里石貫其底旁有東華村唐梅

妃村中人也姓江氏九歲能誦二南詩父仲遜
奇之因名采蘋開元中高力士使閩選進明皇
一見寵幸性喜梅因號之曰梅妃爲楊妃所妒
遷於上陽東宮作樓東賦以寓意一日上封珍
珠一斛賜妃妃不受以詩付使者曰桂葉雙眉
久不描殘粧和淚浣紅綃長門自是無梳洗何
必珍珠慰寂寥上覽詩悵然令樂府度爲新聲
號一斛珠明隆慶五年有二龍起海中擁水高

丈餘闊數丈長亘野聲若崩山其一飛升天半
長數十丈準角崢嶸身若水牯色正白鱗鬣蠕
動歷歷可數忽有片雲正黑從西北來龍乘之
以升遂不復見其一浮游田禾之末北渡洋水
田中水旋卷隨之至白石岬中水躍數丈西北
行經東庭至東華之忘饑亭埔下而入於潭所
過雲氣噴薄聲若雷霆而草樹不損片葉焉僉
事余一鵬爲之記

遮浪村在連江里疏作東珠浪語訛也有大孤
巖小孤巖大孤巖者海中有大石突起亦曰大
龜巖巖東有石盤上有巨人武丁而人武丁
黃巷山在延壽里疏作上皇港傳訛也地產荔
枝名火山五月先熟爲莆之冠唐校書黃璞與
從弟滔移居於此黃巢寇閩所過焚蕩至此戒
其下曰儒者家也滅炬而過滔有寄璞詩云縱
徵終不起相與避烟塵待到中興日同看上國

春新詩說人盡舊宅落花頻移覓深山住猿啼
作四鄰正字徐寅有黃校書閒居詩云取得驪
龍第四珠退依僧寺卜幽居青山入眼不干祿
白髮滿頭猶著書東澗野香添碧沼南園夜雨
長秋蔬月明掃石吟詩坐諱却都無擔石儲山
名黃卷以此蓋訛爲黃港久矣疏又訛黃爲皇
也
寧海橋在連江里支海自下黃竿入三江口經

遮浪大小孤嶼而入兩涯洪闊北涯舊寧海鎮
鎮前有渡元元統中僧越浦爲橋曰寧海明徐
敬則僧湘江重新之更入爲白湖一名玉湖土
人用讖言作橋以斷水鄭叔僑詩云結駟直過
黃石市連艘欲斷白湖腰謂此也舊有堤俗名
白水塘其側有靈惠井環境皆斥鹵此獨甘冽
江口橋在待賢里支海自三江口又入接迎仙
港迎仙溪合荻蘆桃源白石諸水東流至此而

與海會也其地江勢最闊有盤石突起江心民
居集焉於此作橋名江口橋一曰龍津橋一曰
尚陽橋橋之南屬莆田北則福清境也其旁迎
仙巡司在府治東北四十里前臨海後負江口
橋地饒民聚商賈所湊相傳其上更有迎仙橋
爲宋僧祖遜所建今地有子魚潭亦名小姑潭
宋志子魚惟迎仙橋東小姑潭所出爲最但少
通三印者建安嚴子翼藝苑雌黃云通印長魚

古人以爲食珍言其大可容印王荆公詩長魚
俎上通三印之句而子瞻亦以通印子魚對披
綿黃雀皆用此意王彥輔塵史云子魚長七八
寸闊二三寸出通應港者佳蓋港上有通應廟
因以名港耳後人訛爲通印見之題詠不足據
也閩書則又云絕無通應港及廟妄人詭飾社
祠顏以通應至今存焉港水下流曰錦江卽江
口有溫湯池漢時胡道人者煉藥於此藥成有

神人告之曰非太上之藥也不足以度世道人
棄丹於池池水遂溫相傳浴之可以益壽

吉了寨巡簡司有城在新安里宋曰擊蓼距郡
城八十里前控南網右引小巛左帶湄洲內通
楓亭諸處外至莆禧一潮水其城枕海涘巨浪
衝嚙歲費修築下有東西二澳內泊南北風船
二百餘隻東有吉了水寨南日寨及湄洲遊總
向來移駐於此有華胥山或云吉了者猶言極

了謂莆地至此而極乃復崑起爲是山與湄洲
隔海相望時見蜃氣成樓臺也居民甚稠以賈
海爲業歲出海不下千艘倭寇每於南麂礮臺
狙伺之或分其所獲給票而遣行或并船奪之
姦民外苦倭掠內虞巡兵然以微利故往往走
死如鶩或竟習爲不軌使帆輕捷逐之殊難也
吉了之船釣槽夾底最利深洋用以巡邏最便
莆禧所故設旗軍千二百一十一名在湄洲之

西北平海之西南爲興化東南藩蔽三面阻海
頗稱險阨澳內藏北風船三十餘自莆至中門
爲地極處一線僅通左支自賢良港而出吉了
散爲東湖西亭諸山右支自金沙舖而東出莆
禧散爲文甲山柄諸山中門疏作忠門賢良港
在所城前有山厯然如象本名黃螺港美其名
曰賢良焉文甲山一名門夾山以兩山相夾如
門故山柄墩城北澳也亦曰後山柄可泊南風

船五十餘其民習海勇鬪而約結甚固嘉靖壬戌寇陷郡衛獨所城得全南至平海北大咋各半潮水前山後山然收泉本台黃巖嶺其各嵌頭巡檢司在郡城東九十里城在石崖之嵌漁農數百戶雜居其址介山海間賈舶寇船來往雜沓頗難稽詰

平海衛在府治東九十里屬武盛里閩海實錄作八十里孤懸海外三面臨淵惟西北一路可通莆陽之

藩蔽也洪武間周江夏置衛築城有旗軍五千五百十六名設學地有石獅九跳鳳石諸山衛前小澳四面皆石有石鼓石鑼孤峙磧土鼓周二丈鑼差小扣之各如其聲又有大泉在城東二里白石罅湧出澳中可泊北風船百餘東一嶼浮海曰鷓鴣嶼閩海實錄作鷓鴣嶼可泊南風船二十餘又有進嶼進嶼兩島如門洋船所出入也門之中及嶼之西南皆有沉水礁過者戒心焉嘉

靖四十一年壬戌郡城衛連陷於倭先是歙人王直入日本糾薩摩州倭以入寇賈人子徐海亦集衆從之寇擾江淞數歲嘉靖三十四年冬犯莆田及鎮海鎮東諸衛泉州指揮童乾震拒戰死之此閩中被倭之始也已而賊復犯淞應天巡撫胡宗憲用間殺海復計誘直誅之宗憲以功擢右都御史兵部侍郎加太子太保而直之餘黨毛烈知尚據浙之舟山巢柯梅閩浙諸

境歲有寇患而閩中失亾尤多巡撫阮鶚坐罷三十七年烈知自柯梅徙泉之浯嶼入南澳構巢以居於是興漳泉三郡無地非寇三十九年破未定城又破寧德縣殺叅將王夢麟知縣李堯卿奸民導賊發巨姓塚墓質其棺以索贖諸將冒功飾敗賊益枝蔓浙江叅將戚繼光奉檄來援賊方據寧德之橫嶼阻水爲營繼光填河以進斬二千餘級生獲九百人連破六十餘營

賊少靖矣迨繼光返浙而賊又熾四十一年新
倭大至犯福清羅源連江殺遊擊倪祿十一月
遂犯興化郡城郡故饒裕賊艷慕已久至是乘
高急攻盡得城中虛實木蘭陂水注城中爨浣
仰給賊徙其源民無所得水大困會總兵劉顯
來援衣甲俱刺天兵字賊邏得齎書者八人殺
之而衣其衣以入守者勿覺也夜半斬關納寇
城遂陷同知奚世亮死之焚掠搜牢火經旬不

滅盤踞兩月見城中腐骸山積腥穢不可居遂
去之平海乘不備急攻又下之事聞上震怒罷
巡撫游震得以叅政譚綸爲僉都御史代之更
調廣帥俞大猷浙帥戚繼光協力討賊興化之
初陷也巡撫震得檄指揮歐陽深率所部降盜
謝愛夫等駐瀨溪以防其侵軼深泉州人也子
模己未進士深以貲豪里中慷慨好施人懷其
惠會寇難糾衆保聚愛夫故助倭發塚深先墓

亦與焉深遂率衆攻愛夫愛夫驍銳多黨翼號
謝半番聞深至而憚之遂聽撫至是深率半番
追倭於平海之蘇塘中槩死半番裹其屍而還
時爲四十二年之五月也是時戰死者又有在
籍總兵鄧城泉州衛鎮撫白良玉事聞深世襲
指揮良玉子准署指揮同知巡撫綸至用總兵
俞大猷議分其軍爲各萬人總兵劉顯攻其北
浙總兵戚繼光攻其東而大猷當其南又令二

叅戎以舟師截水道四月倭將遁把總許朝光
率輕舸邀之不得出居亾何諸將四面雲合感
之崎頭倭殲焉衛有忠勇祠二祠本衛千戶丘
珍葉巨卿皆勦倭陣亾者

涵江有涵頭舖宋學士鄭頤吉居之與文文山
相友善爲書新有社三字有涵江書院在郡城
東北二十里唐貞元間宣聖四十一代孫孔仲
良徙居此宋紹興乙亥朱文公常過其家見其

裔孫宜去孔子四十九世矣有唐告身七通及家牒猶存爲告守臣傅自得令兵鐸更其版籍淳祐中知軍楊棟同涵江鎮官鄭雄飛作書院并夫子廟理宗御書涵江書院四大字以賜之元設山長以五十三世孫敬山克之子孫世襲至明始罷

青山巡簡司在郡東九十里三面阻海南日山峙其南不及五十里莆門戶也產相思石亦曰

雌雄石狀如杏仁而白擘之兩瓣腹有紋置盤中沃以醢則石瓣離立相對俄合爲一矣有大蚶山志稱昔有物自海浮至輪囷如瓦屋蓋蚶也上人作廟祀之因以名山上有大動石小動石石船石獸之屬舊志上有岩洞十里之內水草皆香旁有蚶田百頃南至崎頭二里許有羅隱廟相傳常有巨木數百章自海浮至盡鐫羅字鏤之愈明土人獲而異之逾日見有神人峩

冠黃袍曰我羅仙也言訖不見於是立廟以祀
海商祈風能分帆南北南唐封廣濟王有蔡山
壺山之分壠也今置戍南至滬甌二里昔有
演與與蚶山相近宋少帝舟舶大峽江爲元兵
所逼忽有白馬神爲演一與一蔽帝舟遂免石
刻猶存

南日山在青山之東大海中與琉球相望舊名
南匿唐翁承贊有泊船南匿遙望竹嘯舊山詩

週百餘里

閩書環與
二十里

舊有居民中湧淡水寇常

汲於此明初置寨曰南日寨設戰艦四十六兵
八百七十六名成化末徙吉了居民無所依相
率內徙其山遂空山之東北澳曰東滬泊北風
船四十餘最當賊衝其西南曰西寨泊南北風
船四十餘北連一嶼曰小南日周七里不可泊
船北澳曰燕內可泊南風小船十餘又有大小
壘山在海中自外小嶼鱗次惡礁甚多曰十八

門皆賊藪也北至東甲南至烏坵各一潮水北
與小埕寨會哨於南茭南與浯嶼寨會哨於湄
洲四十餘里北與一嶼曰小南日風十里不可出
崎頭北望南日在青山之西澳內可泊北風船
百餘但苦潮退膠淺大船不可泊東北澳曰泥
滬可泊北風船三十餘東北洋中一島曰三
蓬與北至龍王宮南至東海各一潮水十六里
冲沁巡簡司在郡治東六十里三面阻海與崎
頭三江澳港相接卽山爲城下多村落海上烽
起則斂民入手其民歲販飴糖稻麥浮溫台泉
潮爲利

湄洲一名鯨山居大海中周八十餘里在崇武
之東北平海之東南距郡城八十里爲莆禧吉
了門戶與琉球相望故有居民洪武間徙而墟
之山有甘水茂草野馬驢驟孳產蕃息驟逐之
不可得有勢家居之以爲利寇舟常就汲焉隆

慶初設把總一員戰艦二十三遊兵五百二十
八名以守之後裁改設標遊西爲蠓仔埕泊南
風船二十餘東南爲金沙澳可泊大船五十餘
文甲門商漁所必經賊常於此候劫外爲深澳
水深多網柱賊船所聚也北至平海南至崇武
各半潮水大岫小岫其汛地也有順濟天妃廟
妃姓林氏父曰愿閩王時爲都巡檢土人也妃
初生地變紫色長而靈異能履席渡海往來諸

島間人呼神女或曰龍女一日方織據機假寐
終日乃覺母詢其故曰父有厄往救之耳未之
信也有頃父至言涉海遇颶風幾危忽見有神
女擁輜茀幡蓋現空中而風遂息僅乃得免母
始異之而土人緣此益知其非常人矣在室三
十年至宋雍熙四年無疾奄逝妃旣沒土人時
見其衣朱衣履浮槎出沒巨浪中身有光又數
見夢於父老遂作廟以祠名其墩曰聖墩宣和

中給事路見迪使高麗遇風以妃見於舟得濟
使歸以聞因賜順濟之號其後屢著靈異元明
間皆有翊護海運之跡累加勅封益尊稱至十
字永樂初中官鄭和使西洋又見光怪成祖命
有司新其廟遣官致祭妃之顯靈幻奇不一或
見紅燈自空墜或見彩蝶繞檣飛成化中給事
陳詢使日本嘉靖中給事陳侃使琉球皆有所
見云今頻海郡縣往往有祠每冊封外藩必致

祭賈舶事之尤嚴也湄洲之廟至今宏麗每農
月耕民夫婦畢出常以襁褓裹兒置神座下竟
日不顧兒終不啼若或撫之者三產黑白搏石
可爲碁子宋林光朝與林晉仲書云海一中一山
名湄洲隔岸視之約五七里乃合兩山蜿蜒之
狀有田數十可耕而食魚鹽饒美築室讀書可
以忘世惟某知之也此島自唐以來居民稠密
洪武徙後時復闌出蓋以承平不之禁今猶如

故云
 烏坵山周二十里在平海東洋中二山相連北
 曰大坵泊北風船三十餘南曰小坵泊南風船
 二十餘水深二十五托澳外水深三十托用坤
 申針二更至湄洲山日本塘船東番歸棹皆泊
 此取水候風蓋賊藪也係中路哨探汛地

乙亥自江口驛過蒜嶺行八十里至福清縣自縣
 東北行十里至鍾山登其顛望海壇山鎮東衛諸

處薄暮而返

省城福州府屬縣七閩縣附郭附海者五曰福

清曰長樂曰閩縣曰連江曰羅源元年畫界自

江口橋歷仙嶺蒜嶺驛綿亭嶺漁溪舖玻璃嶺

松樹嶺蒼霞嶺錦屏松潭山牛宅村
 里美至定軍山為福清邊邊界以外斗入海八

十里萬安所七十里牛頭寨五十里澤朗寨四

十里松下拾里鎮東衛附海五里海口橋上逕

鎮二里硤竈俱移共豁田地四千六百三十四

頃有奇於海口橋東大石漁溪舖蒜嶺驛因界

設守八年展界安兵十七處峯頭把總一兵六十名雙嶼二十名

旗山二十名蒜嶺把總一兵六十名棉亭山二

十名九龍山後千總一兵一百八十名西嶺三

十名松樹嶺二十名葫蘆山把總一兵五十名

杞店千總一兵一百三十名松潭二十名鎮東

衛遊擊一守備一把總二兵四百五十名麒麟

山二十名山下把總一兵五十名風水山十名

定軍山今從蒜嶺營撥守一汛峯頭把總一

二十名兵五十名福

清營撥守二汛候閱定

福清立縣始於唐初名萬安改名福唐後唐莊

宗始改福清其東南隅皆海也故遷界自西南

以抵於東北自江口橋五里至仙嶺又五里下

埔又五里蒜嶺又五里棉亭又五里蘇陰又十

里漁溪皆自南而北由此折而東行十三里玻

璃寨又十里洋尾又二十里至縣南門又二十

里海口橋折而北四里牛宅村又十里里美又

十六里定軍山接長樂境蒜嶺之外有硤竈村

有余坑山有旗山雙嶼有峯頭寨及江陰壁頭

漁溪之外有九龍山玻璃嶺之外有逕上里皆
邑西南附海界外地也自邑南門渡江至錦屏
山南行二十里祀店十里牛田塲二十里三山
路岐分爲五一西行十五里至薛店一西南行
三十里至牛頭寨一東南詰屈行六十里至萬
安所一東行稍南二十里至白鶴寨一正東行
二十里澤郎司皆邑東南界外地也自海口橋
循江而東一里至鎮東衛自里美折而東行過

麒麟山四十里至松下爲邑東界外地凡各路
岐分之間皆有支海內入故遷移獨多

蒜嶺以山形如蒜而得名在光賢里上設驛有
照海亭登之東望大海無際又有漆林書院唐
翁承贊兄弟讀書於此故山曰草堂里曰光賢
皆以是故也嶺有古碑鐫石馬泉三字草堂山
有小瀑布壇高數十丈承贊乾寧間進士也嘗
以右拾遺奉詔冊王審知爲瑯琊王假金紫以

行梁開平中又爲閩王冊禮使黃滔贈以詩有
衣錦還鄉翻是客迴車謁帝却爲歸之句承贄
遂畱相審知卒葬於崇安子孫代有顯者
余坑山在光賢里之唐與下有昭靈廟相傳漢
有趙昇者事張道陵得仙隱居鳴鶴山下常乘
鐵船抵浮山又跨巨鹿憇磐石上今舟痕鹿跡
尚存鹿跡長尺有二寸每六月村民聚祠炎暑
酒善敗俗嘗罷釀獨此地有北風旬日號釀酒
風又有盧焦石高數丈海濤漱激爲龕岩之狀
或採爲池亭玩必致譴怪

江陰山在蒜嶺之東三江之北興化之北面關
鑰也東爲壁頭巡司北爲牛頭巡司南爲崎頭
東北一與浮海曰野馬山可寄北風船五六隻
東爲大麥洋入莆門戶也其地又名雙嶼以二
山突起海中故名中有古井甘冽可以濟旱蔡
道人岩及百年洞又呼仙嶼

白巖又名陳山絕頂曰鴻休岩岩竇天成下瞰
滄海浩無涯涘以僧鴻休居此故名其西又有
鳥窠岩鳥窠禪師居之卽杭州守白居易所參
請者也

蘇溪出莆田而通橫山潭入海

漁溪上有昭應廟祀虞雄閩牙將也戰歿於此
逕江有二一出故興化縣金支大潭合漁溪爲
逕港一出黃蘗山北過鐵場邊與逕港合流水

之南有逕上鎮今置戍其水過棉亭東抵烏巖
門又南至雙巖岐而爲二東出白巖西出後巖
合於昭應廟前會迎仙港入海

蒼霞山在新豐里

牛田鎮民居甚稠其東有聞讀山爲唐水部陳
燦讀書處上有過雲碣潛公室講經臺獅子跡
其西有福廬山在時和里明相葉向高所闢也
由三天門入至石芝亭爲相國書堂石芝者平

地拔起高可二丈餘莖細而首圻爲華蘼之形
有躡雲徑石磴四五折入岩腹天光斜影凡二
百餘級穿一竇以出有古榕樹輪囷秀潤旁有
臺曰榕臺立岡頂俯眺海曲浦澍歷歷如指掌
稍降有兩石夾峙中露天光類武夷一線天人
行峽中得旁穿以出乃入異香洞可容百人洞
初開時異香經時不散因以名遵峽而行爲飲
虹礪泉自竇中出如鳴珂珮又穿穹巖而上入

雲關有古仙鷹磔二岩天門外有石闕俗呼檠
天柱自上俯視始見其直如引繩凡四十五尺
自福廬西行二里許曰靈岩有寺在嵌岩中大
石迫岩傍作峽兩松樹生峽半根爲石所齧頂
作羽葆以自蔽岩之左有靈湫墜澗湫所來處
數石礪相連逶迤巉刻皆泉溜所撞擊而成者
也寺之前後亦皆松林意卽所謂松潭也牛田
場有鹽課司地在澤朗之北鎮東之南福清之

藩蔽也其東有東營山

新圖作東壁山

在海中嘉靖辛

酉壬戌倭踪盤踞於此聯營二十餘里將攻福

清戚少保以火器破之始遁去

澤朗巡簡司在化北里有嘉福寺隨時掠琉球

五千戶居此萬安所城在平南里臨大海明初

江夏侯建設旗軍千四百九十九名北望海壇

南望南日內扞鎮東東洋要衝也城內有萬壽

塔可以遠眺澳內可泊南風船數十北有大丘

寨又北爲東金山高峻可以遠望居民以海爲

業蹈險如鶩頗難防禁折而西曰蓮盤北曰沙

塢皆商船必徑之地並可泊船其外有草嶼塘

嶼及南匿嶼之屬南匿產鹽差淡塘嶼一名大

姨山其地多風不宜樹日未出東向極日有黛

色一點微露水面爲小琉球國每風暴漁舟輒

爲所漂一晝夜至其國水深碧東流不返莎蔓

錯織不容轉柁漂者必至而後已其國人得之

以藤貫踵課之耕作蓋其國剝木爲孟乃能周旋莎蔓間非內地之舟可涉也相傳大姨山夜不舉火懼彼國人望見而至也
京甲山在萬安之東三島相連大小斷續上有大王宮澳內可泊北風船數十萬安居民多採捕於此臨萬壽塔望之隱隱可見賊自海東來多窟於此明時防剿嘗以二鼓發舟鷄鳴而至蓋慮賊望見吾舟而逸去必乘夜掩襲之也乃

萬安港口有一沉水礁而草巽貓尾以至東甲澳口往往有惡礁非久習海道者不能辨以故巡剿之舟不敢輕出惟嚴沿海之保甲以絕勾引勤哨邏以防窺軼斯爲勝籌耳

海口橋一名渤澥橋去縣二十里在海口江上跨方民仁壽二里宋里人林遷募建有海口鎮屬方民里明嘉靖三十四年倭寇至民多死御史吉澄請發帑金七千七百兩賑之民請以是

築城其後島又屢犯以有城可守得全即今寨城是也其江出於故興化縣界流為百丈溪至金應舖為無患溪東流二十里合石厓溪至水陸寺合東溪經縣之阿頭渚為琵琶洋十餘里入海又有龍江源於龍首山初名螺江

閩書作螺文江

宋林栗改今名至海口橋而合於江橋畔有林夫人廟規制不甚大而靈異素著舶商入海必禱之鎮城東北有龍山一名瑞峯寺在山顛浮屠七層可觀日出西麓有紅蓮閣疎野堂里人章氏所建下有救糶潭南麓有草堂宋林光朝故居也自海口西行三里有網山宋林亦之讀書處學者號為網山先生自海口南行二里曰瑞岩高數百仞有天台玉虛香山諸洞一滴泉鑑池紫霄亭休休廬諸勝絕頂石泉大如箕應

潮汐號通海井龍江上有龍江書院中祀孔子旁為三賢堂祀宋林光朝林亦之陳藻

鎮東衛城明初周江夏所築設旗軍八千六百八十七名以其在海口鎮之東故名有倉局教塲規制畧備明世閩有總兵春秋二汛駐於城之東門又設土浙兵二營以守之衛東南有朱文公祠西南有鎮山菴又有都督戚繼光祠嘉靖壬戌倭寇萬餘圍困數月指揮秦經突圍請救俞劉戚三帥兵至始解報功之祠所由作也城中人文蔚聚商賈四集號爲饒美外爲鹽輿

巖外水淺非潮滿不可入城之東有烽火山有警舉燧於此山頂嵌岩其狀如屋凡三十六間名曰虎屋宋林亦之詩云興來走上烽火山著足不定秋風寒四邊黃茅滑如雨低頭俯看毛髮豎幾年欲到紫菜鄉大練小練及東墻如今一時在眼傍白雲流水天茫茫酒闌更欲弔虎屋無端日色相催促一奴魑髻一跛足逐我下山如野鹿其傍又有鹿角山巨石上仙篆數字

人莫能識大練小練在東海中二島相去十里許無風踰月不可度大練有居民數十家可泊北風船八十餘但苦水淺不宜輕泊小練之山周十里多喬木無居人五代盧皓林甲避地居此而林氏世以文顯黃朱皆取而為姓陳漢海壇山在縣東南大海中以山形如壇得名或曰其上有嵐氣往來又名東嵐山橫狹而從廣周可三日行控連諸島度可七八百里唐爲牧

馬地泰清中始有寺宇宋初置牧監後以駑悍不齊罷皇祐中許漁民耕墾淳熙中有戶三千元戶滿四萬邑得以陞州者以海壇諸里佐之也其山曰黃崎曰紫闌曰牧上曰砦頭曰坑頭曰大小鰲網其水有三十六派湖亦名三十六脚湖峯巒環繞如畫湖水淡碧產蓮瀕河沙輒能沒人中有龍窟相傳元庚申歲龍出與馬交而生駒毛鬣異文以貢於朝日行千里二三年

後大雨寇湖忽自決與海相連云近塢有大小
塢及錢藏皆爲泊船澳東方最高者曰軍山王
氏謫戍多居此間其旁島曰浚門曰獺步曰廣
州埕曰流水隔曰東墻曰小墻小墻北曰十二
藍焦東墻北曰百兵焦大桑小桑兩桑間曰桑
門兩墻間爲鷓鴣門是極東之島舟不可行矣
海壇人舊事私記曰海壇山周八百里分海上
海下四五六七圖戶計三千七百口計八萬四

千左有東嵐瑞湖右有顯跡湖

卽三十
六脚湖

有碧沙

洋百花砦鍾門三鎮皆市井殷繁而碧沙洋產
人參鐘門多科第尤爲海外名區焉閩海實錄

云相傳舊有一州一縣州曰沙州縣曰朗縣不
知何據洪武初徙其民而墟之置遊兵千二百
名然所有苗米八百石征之合縣如故也正統
間邑中布衣林揚詣闕上其事逮繫詔獄十八
年至天順復辟始允其請而釋之嘉靖季年倭

寇據爲窟宅剽平後流民漸集蔚然成井里至
隆慶間設海壇遊置戰艦三十兵六百六十九
名啓禎間幾復舊觀矣東爲觀音澳泊北風船
二十餘東南一嶼浮海曰牛山常泊船十餘皆
賊藪也東北曰蘇澳泊南北風大船八十餘但
不利西風又虞潮退舟膠而賊至西南爲龍王
宮可泊北風船三十餘其旁又有晃尾澳可泊
北風船三百餘又有進屏澳可泊北風船三十

餘疑卽浚門也蘇澳西南爲石牌洋一石高可
百仞在洋中如石牌狀石牌下有惡礁曰金錢
礁龍王宮前亦有金盞銀臺礁出入慎避之東
至東甲南至草嶼西至萬安各一潮水東岸卽
林亦之所謂東墻也在海壇東北南望牛山一
小嶼曰小庠卽小墻也東爲葫蘆澳可泊北風
船二十餘出龜鼉高於人流水甚急倭寇往來
之衝其南曰南江北有鯨殼澳

鐘門巖在石牌洋之西北可寄北風船三十餘
其巖玲瓏如鐘亦聞古有鐘沒於此潮退猶露
其紐島饒淡水汲者聚焉近巖石高二丈如媪
東南瞰其石趾方二十丈中有井泉與潮候應
船泊之都會也半潮抵慈澳則長樂界東
苦巖門在鎮東衛東北二十里海中可寄北風
船十餘凡南來商船俱在此候風過茭入省或
遇風信不利經旬淹泊商旅無不苦之故曰苦

巖南望石牌洋東望鐘門後澳爲湧月可泊南
北風船二十餘北入松下西入鎮東有惡礁曰
鷄屎礁舟行宜慎之五虎海壇遊汎至此分界

丙子行七十里至青坡又二十里渡烏龍江水面
約四五里夾岸俱山波濤驚駛又行四十里次福
州府將軍佟公少司空蘇公撫軍金公及藩臬以
下皆來迎甲士五千軍容甚盛旌旗相屬十餘里
又有臺灣歸化人及琉球使臣以次見

元年畫界自定軍山歷高嶺山小石山石屏山石龍山至

閩安鎮為長樂邊邊界以外斗入海四十里梅

花所二十五里東山十里海路俱移共豁田地

九百一十三頃有奇八年展界安兵十處七星岩十

名小門二十名東山十名舊縣守備一把總一

兵三百名壺井山十名渡橋山千總一把總一

兵二百五十名雙桂山十名金墩今從長樂營

山二十名燕山十名龜宿山十名

撥守七汛松下把總一兵五十名壠山千總一

兵六十名東山港尾十五名壺井大

典二十名仙岐六十三名梅花寨把總

一兵四十名浪頭鼻丁石一十五名候閩定

縣設於唐武德間以風物熙和故稱長樂舊在

六平山析新寧之敦素里為治今所謂古縣是

也上元初防禦使董玠以其地卑濕徙治吳航

頭即今所也吳航去縣西半里閩中記吳王夫

差畧地至此作戰艦故名永樂間中官鄭和過

此改為太平港閩書以吳王濞反漢東甌王搖

從之故有吳航之名與此異至以為即馬頭江

則大謬矣

六平山新圖作鹿平旁有高嶺成臺山宛轉六
曲上有巨石中穿爲門通往來壁上勒第一山
小有天字宋時於此建九日軒寶慶中太傅陳
俞居其下亦名太博山
瑞峯院在同榮里五代周廣順二年太保王紹
齊以僧居岩間時有雲覆其上因作爲院有石
屏慶曆間提刑蘇才翁刻字於石屏闕書以爲
石屏在縣東之芝山亦云蘇邵二公勒字蓋又

一石屏也

石龍山界連閩縣以上爲初遷近內界

七岩山疏名七里岩在縣南五都之羅田其傍
溪湄山有奇勝境曰寶山雲曰石澗泉曰龍津
釣山巔有湖相傳湖中有巨蚌合珠曰珠湖自
此而東有社溪有大社小社三村巡簡司在焉
其南有郎官山連石尤嶺可通福清
牛壟山中有田一區丘壟環之有壟下民城洪

武間江夏侯建今置戍壘疑之亦董不其地共

壺井山有一井在山麓如壺鹹潮至則沒潮退

其水復淡自壘下城歷江田漳阪東山三成而

至其地凡四十五里志勝云在縣東北四十里誤以圖考之尚在東南

下有壺井村有水曰壺井江其出海處有二石

對峙曰王母礁新圖作虞母礁宋末楊妃負益王福王

航海經此

雙桂山疑當作芳桂蓋志有芳桂里也東至海

濱有仙岐城自城以北有大董小董村董峯在

焉一曰福山輿地紀勝云上有神人裸形披髮

見者獲福故名閩中紀云董奉字君異侯官人

少得道嘗游交州刺史杜燮病死已三日奉以

三丸藥納之口中食頃更生奉後居此山為人

治病不責謝但令種杏一株久之有杏七萬株

森然成林其西有蛤山旁有巖二一曰人赤巖

一曰蛤巖

雁峯卽疏所稱燕山也新圖作雁山下臨嚴湖
上有御風臺嚴湖一名西湖陳太建元年邑人
嚴光之子恭賈於維揚舟次江滸買黿五十頭
放之光家居見有黑衣五十人齎錢五千緡至
曰子所寄也及恭歸語放黿事乃大異之遂捨
宅爲寺湖中有小阜曰蟹山有六竒曰牛山曰
馬水曰龍灣曰虎潭曰都官渡曰搢笏石自是
而東並海有聖娘山其下有林婆湖林婆者唐

林鷗之妻鷗字神鳳開元中爲倉曹參軍嘗築
濱澗湖可溉田千頃妻趙氏亦捨奩田爲湖遂
名林婆湖稍北有魁山以其魁然異於衆也有
植柱廟相傳唐時有神憑巨木溯流而上漁者
徙之下流輒復上如是者三土人以其異而祠
之久之刻木爲像遂以名其廟又北爲碁山有
石臺仙人奕處也碁局尚存之譜入限論載只
梅花所在二十四都去縣四十里周江夏築城

設旗軍千四百五十八名其地曰梅花山下有
梅江俗諺有梅江水直千金之語人烟繡錯民
習販海往往闌出外境明王恭梅江詩云君不
見梅江浩蕩連滄溟積水不極涵空青未明先
帶扶桑日入夜倒浸銀河星澄波萬頃秋無盡
漠漠遙光海天迥島嶼千家烟火深軍城百雉
妖氛寢漁笛吹殘夜落梅空江長見舊潮迴珠
潭露下漁風起蛟室雲歸蚌月來仙源香霧浮

花島海色空濛望中好玄圃滄洲路不通清水
黃塵夢難到海與水共要之
六石澳去梅花所二十里長樂北境盡處也下
有六石江江上有石相傳地產紫菜味極珍美
閩王審知採以入貢禁民私取因立石焉澳民
業漁宋末陸秀夫奉二王從此入閩安鎮二澳
俱泊南風船而梅花孤懸海外飛沙將掩雉堞
風颯時作邏舟不能久泊誠要衝也

磁澳山在焦山石梁巡簡司之外亦作慈澳新圖作滋澳內直壺井大嶼北望苦嶼門原設防船十二隻以備東沙白犬外洋之盜萬曆之季併入五虎遊海船南來轉茭者常候風苦嶼門或已行而潮汐不利則泊磁澳邏戍旣撤每虞寇掠向來建議欲用漁船設長戍南風則駐苦嶼北風則守磁澳亦扼要之籌也

東洛西洛二島相連在磁澳苦嶼之間南一小嶼曰橫蒜東卽烏猪洋也洛門可寄北風船十餘但礁多宜慎西南一山秀聳如牛角曰牛角山可寄南風船二十餘牛角南十餘里卽松下東沙白犬二山相連在磁嶼正東北望竿塘南望東岸東沙澳水深九托可泊南風船百餘用單已針三更可至牛山白犬以形似蹲犬得名繞島石稜如鋒旋索遇之輒斷泊時倘遇颶風卽有不測之危惟犬目一處可寄北風船二十

餘向來雖隸小埕後哨然巡船不時至盜自東湧徙巢或自外洋突犯輒於此分踪行剽巡剿之舟由竿塘用正南風由大馬頭蘇澳用西南風由磁澳用西北風然磁澳水淺潮退未半而舟已膠往往望見賊船而不能逐也

南茭在梅花所前一沙線下插入海中上溯閩江而西長數里皆鐵板沙大舟遇之皆膠更遇風浪鼓拍動至震裂有一港可蜿蜒以入閩江

非老於海者不能識且其中沙面時有遷徙必滿朝至八九分乃敢入也二茭夾列閩江之口南茭以沙險北茭以石險南北商船過此嘗惴惴焉其閩江之舟東出者利西北微風自西而長樂連江二邑夾閩江之尾爲境而閩安鎮居其中縮轂海口則閩縣地也自石龍山歷象洋山至馬門嶺爲閩縣邊邊界以外十五里東岐高樓十里象洋俱移共豁田地三百八十九頃

有奇八年展界安兵七處

石龍山五十名武定山十名武定門二十

名登高山十名象洋五十名長柄山十名東崎山二十名

今從閩安陸營撥

守三汛

象洋千總一兵七十名下塘寨把總一兵一百八十名石龍寨把總一兵一百

名候閱定

閩安鎮海門也有城東南際大海閩江自西而東更其前由省城往從陸路則出水部門六十里而至從水路則自南臺九十里而至有柔遠驛琉球貢船常泊此有稅課局粵浙商艘往來

不絕有巡簡司千墩者所駐也人烟稠雜百貨所湊城四周皆水出城南門望隔江有石龍山山下有大石出江中其形盤屈號金剛腿北門外有橋曰沈公橋橋外為教場城之西為水寨東臨江汜汜之隔浦登高山也其江為全閩之幹水隨地而異其名源出浙之龍泉建之浦城崇安又合延建汀邵及古田閩清永福大小諸溪之水至此入海大抵閩江承建劍上流谷陞

川激至馬瀆山漸廣而緩曰馬瀆江至長樂侯
官之境螺女金瑣石岳諸江來合之曰洪塘江
又東曰馬頭江以江中有石如馬頭故以名衆
流所匯浩瀚無涯有洲如菴號投菴洲予所渡
烏龍江卽此也又東至會城上洞江自左下洞
江自右來會之故會城三面距水而其匯處曰
南臺江越王釣龍處也上有萬壽橋平海頭陀
王法助所募建長百七十丈水門二十有八又

東東西兩峽江來會之二江所受之水至多故
又因其名而稱西峽江而統謂之閩江也閩江
過閩安鎮有小山當其中流曰急水門又東有
兩石礁曰雙龜又東合於大洋有五峯列峙卽
五虎門也江之南岸自石龍山而東曰武定門
又東曰浮巖又東曰猴巖其地有七巖曰洋巖
殷巖獺巖竹巖鹽巖芝巖與猴巖而七也又東
曰瑯琦曰浮江江之北岸自登高寨又東曰碁

盤寨曰象洋寨其地有怡山院雲峯嶺又東曰
長柄山又東曰下塘寨又東至館頭與連江接
境矣五虎門之旁又有官母巽築城設巡簡司
澳內可泊南風船百餘向設船十八艘外控竿
塘定海內扞館頭伏莽時發哨邏殊不易也迤
西爲荻蘆門屬連江其中武曰急水門又東
已卯自福州發行三十里至北嶺又二十里至何
虎嶺又二十里至潘渡又十里至羅崙渡河又二

十里至連江縣

元年畫界自馬門嶺山歷浦口

麻嶺透嶺至碁盤山

爲連江邊邊界以外斗入海九十里北茭六十

里奇達澳三十里定海所附海二十里馬鼻十

五里大澳五里館頭俱移共豁田地二百三十

四頃有奇於浦口因界設守八年展界安兵二

處 馬門嶺十名長沙嶺十名定安嶺十名大

澳山十名大澳嶺四十名東岱把總一兵
一百名東岱臺十名小澳十名浦口千總一兵
一百名松塢二十名腰嶺十名麻嶺十名白鶴

二十名麻坂把總一兵八十名網邊十名驢頭
十名拱頭千總一兵二百名馬鼻二十名嶺口
十名浮曦山十名今從連江營撥守六汛東岱小
澳把總
一兵一百名浦口六十名定海千總一兵一百
三十名苔菜把總一兵七十五名拱頭寨把總
一兵五十七名候閱定

連江本溫麻縣地沈約宋書晉武帝太康四年
以溫麻船屯置溫麻縣是也武德初析閩縣地
別置連江縣連江出羅源縣之王土溪黃柏潭
曾舊懷安縣之莩洲密溪二派合流至縣西曰

羅崙河遶縣治南亘欽平上下二里東流入海
其在縣南者名鰲江去郭門百步跨江為橋長
五十丈水門十有六作於宋政和間俗呼江南
橋自此東流二十里有東岱山亦稱岱江有漁
滄潭石刻漁滄天乙之門東岱寨置於此江之
北岸卽浦口寨也更東則海口矣
邑形東西綿亘海在其東閩安鎮在西南閩江
之口經其南境亦大海也其東北境又有支海

內入故邑東偏之地如舌吐海中北茭定海爲
舌之端小埕黃崎爲舌之腰而浦口馬鼻舌之
本也初遷於此立界自是以東遠者百里並在
界外予行自潘渡入邑境羅崙河卽英顯蕭公
顯靈處也公名孔冲五代時建安人中唐莊宗
甲科隱於邑南之兌峯薙髮爲僧志行堅苦能
伏虎豹歿而邑人祠之宋靖康初建寇葉儂犯
境遙望羅崙有牙旗火光又聞鼓角呼噪之聲

逡巡退去避寇者咸見神兵歸廟中紹興中海
寇掠荻蘆亦見九龍江上有巨艦揚旌而下上
書蕭字因得賜廟額曰英顯

自城而南七里曰館頭其地有覆釜山形似釜
而勢下垂南峯之麓有石雙峙道出其中曰石
門唐中和中建石門寺於此有玉華洞以巨石
相倚而成其中深邃燦若玉華有玉人峯半月
池皆取形似有清陰洞在石門寺之北其下平

廣可坐數十人上有佳木蔭翳故名又有石鼓石魚五臺鬪牛諸石石鼓形圓扣之有聲五臺者巨石五高而頂平如臺之時石魚鬪牛亦各以形似名也

自館頭而東五里至馬門嶺又五里定安又五里長沙又三里大澳又三里洲嶺又十里小澳邑之南境八年展界也小澳斗入海爲東南極處自此折而西北十里百勝寨又十里仍至東

岱海口矣

荻蘆港與閩江相連在長沙定安之外去縣三

十里

志勝云在縣東四十里誤

一名九龍江上有荻蘆山亦

名九龍山七島外列因以成港海面約半里七島者泥塢塘下定岐蓬岐後沙下邊東岸也相傳秦始皇遍鑿東南諸山之有王氣者此山根連鼓山鑿之使殊得蘆根一莖長可數丈斷之明日復合役者苦之夜夢有神告曰夜可置鋏

鋪勿收如其言蘆莖遂絕其絕處有血痕因名
其地曰荻蘆峽今亦謂之荻蘆門
自浦口而東十里至松塢又十里中麻又十里
蛤沙又十里東坪又十里小埕寨又五里定海
所而地盡矣折回西行十里至官塢又折回東
行十五里安海十五里黃崎十五里苔菜又五
里北茭爲東境盡處
蛤沙有城洪武間周江夏建有河泊所有石壁

高數十丈上刻字曰劉禹錫過此
小埕寨水寨也設欽總一員白大竿塘東湧及
東西二洛其汛地也南與南日寨會哨於南茭
北剗西洋山與烽火寨會哨澳內可泊北風船
三百餘

定海所在二十七都因山爲城三面阻海故設
操屯軍千五百二十名南門距海五步風起潮
湧可激女牆爲省會鎖鑰連江扞蔽城之坐山

曰雁塔墩登之以望上而北茭下而南茭內而
五虎荻蘆外而竿塘白犬皆在指掌城爲周江
夏所築火器樓櫓甚備嘉靖末倭寇攻圍固守
不陷萬曆末移水師遊擊二十五艦駐防屹然
雄鎮矣南門一澳泊北風船二百餘西門外長
澳泊北風船三百餘山東北爲鐵沙澳雁塔山
後爲小埕後澳泊南風船百餘城東南五里許
海洋中四嶼珠聯伏礁甚惡戚少保嘗統四十

艘犯夜而出皆齧碎南門西門一澳遇夏至後
南風盛發舟不可泊秋冬颶風漁艇商舶紛紜
蝟集姦良莫辨稽詰殊難也

北茭巡簡司有城周江夏所築舊爲荻蘆巡簡
司明初始易今名一山直趨海中石骨嶙峋爲
省會鎖鑰南北之天塹也城下可泊北風船數
十北上商船非東南風不得過或少參以北風
舟輒絳礁而止遊氛自東湧西洋乘之有坐困

而已故商船將至菱而風未便者又須於黃崎
候風土嶼嶼我東南風不靜嚴近少參以北風
黃崎澳在北菱之西其外卽銅鼓洋有土堡居
民百餘家澳內可泊北風船五十餘斜行至定
海三十里至竿塘一潮水竿塘兩山相連在海
中以多茅竿故名先有居民洪武間內徙上竿
塘峯巒層曲周三十餘里有竹扈湖尾等七澳
鏡澳泊南北風船十餘竹扈澳泊南風船三十

餘長箕澳泊北風船三十餘下竿塘周二十餘
里有白沙鏡港等七澳馬鞍澳泊北風船四十
餘但苦泥滑下旋易移二島南至南菱北至北
菱西至定海東南至白犬西南至五虎各一潮
水相近一石峯高可六十餘仞俗呼竿塘杙凡
哨探淡水鷄籠琉球日本俱從此放洋認此收
澳倭寇至竿塘亦必泊而取水焉至西嶼南至
奇達澳在北菱之西斜徑至安海十里

下木澳籌海重編作下日澳又有上日澳在南與黃崎對峙在北

茭之東可泊南北風船二十餘北至西洋南至

竿塘各一潮水與日本海對峙

大小亭山桑嶼閩嶺俱在海中舊屬崇德里昔

黃氏兄弟載寶沒於亭山因祠於此按即黃助

與其弟光也

馬鼻山插入海濱以形似名南行為玉樓山有

嶺曰透嶺有巽曰鶴嶼皆設戍處元年遷界也

自馬鼻而西為碁盤浮曦亦設戍處乃八年所

展界其地香爐山有章仙壇仙開元中人嘗斬

蛟延津江中有勅書碑記其事又有磨劍石掃

壇竹及石碁盤此碁盤山所以名也

庚辰行四十里至丹陽鋪又四十里止羅源縣

元年畫界自碁盤山歷岐陽鋪護國鋪烏坑至

白鶴嶺為羅源邊邊界以外斗入海六十里濂

澳門五十里粧裹附海三十里夫獲二十里蹟

頭十里松山皆移共豁田地二百六十六頃有

奇八年展界安兵十處大獲山十名小獲山十名松山三十名邊

崎山三十名泥田十名烏坑十名五源十名三層嶺十名王沙十名疊石三十名軍天權十名

吳余從羅源營撥守七汛鑑江把總一兵一百名五里渡把總一兵一百名

名濂澳兵一百名邊崎二十名泥田田候閱定

唐大中五年割連江平都置羅源場三山志云

羅源溪名亦姓也一名羅川咸通中復割懷安

地益之陞為永貞鎮後唐長興四年閩王陞為

縣宋乾興中始名羅源縣初治水陸寺側介兩

溪間時有水患慶曆八年遷於戴坑即今治所

嘉靖中始築城周三里

羅川源出蔣山接金鐘潭流至四明溪分為三

派曰中溪南溪後張溪流入松崎以達於海

濂澳在縣東邑之左臂也而連江之奇達澳為

邑右臂濂澳之東為鑑江又有東衝皆寇來必

由之地嘉靖末濂澳奇達皆嘗陷於倭自濂澳

至西洋一潮水澳中有山曰簾山以形如簾幙
圍繞民居故以名濂澳有十景曰石筍曰仙人
跡曰感夢泉曰山羊鼻曰石虎曰文筆峯曰通
濟橋曰馬鞍山曰雙石與簾山而十也
黃沙溪疏誤作土沙源出寶勝山流入松崎港
疊石公館在羅平里亦名飛來石山頂一峯突
出有巨石平如砥小石疊其上故名
辛巳行三十里至疊石又三十里至白鶴嶺止寧

德縣

福寧州領縣二曰寧德曰福安與州治俱傳海
元年畫界自白鶴嶺歷寧德縣
銅鏡河溪滴至洋頭閩坑

小畱嶺為寧德邊邊界以外斗入海八十里象

溪七十里梅溪六十里飛鸞附海三十里金埕

河二十里黃坑十里三巽皆移共豁田地一百

六十頃有奇於閩坑嶺因界設守八年展界安

兵十四處界首嶺十名白鶴嶺十名洋尾山把總一兵三十名蚶崎山二十名黃土

巖十名南山二十名馬鞍山十名張灣千總一
兵二百名斗門橋十名後壟十名東墻把總一
兵百二十名林長巽十名金埕河西臺二十名
金埕河東臺二十名今從福寧右
營撥守九汛 飛鸞蚶崎把總一兵四十名洋尾
二十名張灣千總一兵五十名黃
土岸十名港尾十名藍田十名金埕西臺五十
名金埕東臺把總一兵五十名馬鞍山二十名
候閱定

縣先為唐時感德場偽閩龍啓元年陞為寧德
縣東面距海支海內入抵於邑之東門一溪遶
城之南曰南門溪一溪遶城之北曰藍田溪皆

滙於城東浮其中者曰酒巽曰金甌山曰金崎
曰錢岩曰橄欖巽曰青山其洋曰三江洋大島
當其口三都地也蓋邑之環拱多在東故他縣
治皆南向而寧海獨向東以白鶴為主山碧山
為近案碧山外大海為明堂規模特宏敞焉其
在支海之南岸為三都地山為飛鸞蚶崎梅溪
之屬在支海之北岸為四都地藍田章灣黃坑
馬鞍山皆在焉少北為金鰲橋海口即斗門也

又北爲東墻海口距縣二十五里卽金溪銅鏡之水出於三巽者也又北爲金垂海口距縣三十五里金垂河上接渺外溪又上穹窿溪邑西南境之水皆滙於此矣由邑南門黃土岸陸行過銅鏡渡金垂河歷溪瀉至閩坑接福安境則爲初遷內地之界白鶴山在邑之西門一都地也南連白鶴嶺予行自此取道焉

白鶴山俗呼西山秀拔于甸南接飛鸞北接蓮

花峯懸岩峭壁空洞幽深泉水清冽是爲龍湫其右爲靈谿書院又有泉曰定泉旱澇不增減白鶴嶺百折盤空海上諸山皆入延眺嶺之南飛泉百丈遙望如銀河倒瀉曰南山澗嶺半有黯井味極甘美宋樞密曹輔所鑿也輔時爲縣尉偶憇此嶺矚甚心自念曰安得引一泉以惠行者乎方舉念而泉忽湧因甃爲井初名應泉

又名曹公泉

飛鸞嶺在邑東二十里下有飛鸞溪源出羅源
界其東峯有百丈深名棲雲潭唐黃岳家於嶺
下岳博通典籍尤精易數黃巢寇閩避地者聞
岳好施歸之如市悉賴全活乾寧中王審知累
徵不應必欲致之岳投棲雲潭鄉人哀之因祠
於梅溪

梅溪山與飛鸞相屬南俯大海前峯四拱勢如
勒馬號曰勒馬山縣學取爲前案嶺下有萬石

岩石岩如屋可容數百人中有石竈石井石床
石几傍有石舟兩崖之間有石橋橫跨又有仙
茅山舊傳茅君兄弟煉丹於此有土堆中虛擊
之硿硿有聲號曰神仙土鼓山頂產石辣菜其
味芬烈異常又有城澳山環匝如城中有三澳
可置萬家又有五馬峯縣南諸山奔會至海垂
盡而五峯突起狀如立馬邑之捍門也
金甌山若甌浮海面與酒澳猿毛巽及大小金

崎諸山聯絡海中而此山特近
瑞峯山在三都海中距邑三十里秀拔萬仞昔
有韓董二仙修煉於此丹井碁盤尚存又有黃
灣峯嵩山皆與並高而嵩山之崖有瀑布千尺
如白練懸空青山海島周七十里有田土無官
兵居民
章灣在五都或作漳灣新圖作張灣誤其旁有
仙人巖雙掌痕深數寸又有仙跡巖亦畱雙掌

及馬蹄跡相對之山復畱仙人坐痕又有阮先
生祠祠宋紹興間上舍阮大成又有龍江井溢
則稔枯則旱邑民以爲占驗宋乾道元年邑大
旱官民祈禱不應章灣士人阮元齡撰懇旱魃
文齋禱龍井大雨立至三日乃已是夕元齡夢
黃衣使者言奉上帝命取愬魃文且令儗裝以
須元齡晨起齋沐錄其文而藝之踰日果卒文
多奇字畧曰吁咄哉酷魃肆虐多歷時所恆暘

烈煇燥灼煦譬堪輿大於一高俎窮極萬有

羅致采弄音舉百億魍屬悉持巨炬燹笈爍毛

箇簠皴皴箇末五切簠米古切風伯唾怨唾音篆怨音戀

不靡勸音盧勸厥貪汚勸音盧動壠堉堉音課出入胥

易音舉熵雲疾雷震赫時暑九泉焦而揚塵蘋荇

燎而成旅音舉流泉石之淵淵窘蛟龍而就妝音汝

魚不民森而顛森音覽物妥而脯妥音俵後云

帝哀下民寧不震怒諒勅六丁撮汝驍鼠凡數

百言佶屈類是見閩書中

三巽在六都少南為林長巽海口金溪水出焉

海中又有官護巽鳥巽蓋所以為三巽也或云

海中有三小墩即三巽所以名過海口又南為

騶山山形秀聳有驂騶奔馳入海之勢故名官

護巽志作官護山地勢坦舒土壤饒沃山尾洋

底有井源出浙江龍泉縣界東流至斜灘過載

首合松潭溪至廉首村會此名曰官井洋出此

則渺茫大海矣志有扈崎山疑卽烏巔官井洋
內曰雲淡門寧德之左臂也金溪源出古田縣
入油溪逕羅源會百丈深竹林潭至溪口村同
出三巔滙於海

金垂河疏作金埕河誤其海口曰浦門當其前
者福寧之白瓠山也外渺溪入焉溪自政和界
逕清岩甘露溪至銅鏡金垂滙於海宋陳嘉言
霍童山詩云藤上老猿欲墜松間野鹿相隨苔

蘚綠埋丹竈桃花紅出金埕霍童山杜光庭以
爲第一洞天有大童小童峯又有石橋亘空石
廊三十餘丈海鱗井下與海通古仙人霍童所
居也

在金埕河南渡距縣可二
十里志作縣北七十里誤

銅鏡舖有水南

湖瀦水不竭可資灌溉有博濟泉夏冽冬溫自
此渡金垂而北爲溪瀉又北爲閩坑自此折而
東則福安界矣閩坑之北有周墩堡故於此設
縣署曰東洋行縣有東洋麻嶺巡簡司後移雲

淡門

西洋山周四十里內澳可泊北風船百餘旁一
澳名景初可泊北風船十餘向不設兵賊所嘗
泊也上控盍山馬砌下引北茭外望東湧內通
奇達東衝濂澳鑑江飛鸞鹽田白馬雲溪諸處
爲羅源寧德二縣外藩自大金以往東北西北
風皆利順風至竿塘定海各一潮水餘互空五
橫山在西洋山東突兀海中不可泊船東湧內

里犯賊鯨必由此至西洋一潮水自東湧來三更
可到里舖天樂塔又五里至白石門對峙中一門相去
東湧在東大海中兩山東西對峙中一門相去
里許四面峭壁澳內水深五十餘托東山有大
王宮澳前多拳石泊北風船五十餘西山一澳
泊北風船百餘後一澳泊南風船二十餘絕島
孤懸風信難測哨邏不能時至往時議設長戍
慮險遠難於策應輒復中止但爲賊艦所窟穴

賊所用釣艚高艦習於風濤轉旋便利剿之者
必以夜晝日望見我帆檣即迸走外洋我兵逐
之直搏影捕虛耳每遇西北風自三沙往五更
可到自大金往四更可到西南風自西洋往四
更可到自竿塘往五更可到
壬午行三十里至三巽渡十里至金垂渡沿海路少迂
又三十里踰大梨嶺又五里至白石司渡江又二
里次灣塢福安縣地也

元年畫界自小畱嶺歷廉嶺

縣前洋尾河茶至洋嶺大梅柳溪

杯溪村為福安邊邊界以外斗入海六十里衡

洋五十里白石司附海三十里三江口圮灣皆

移共豁田地四百八十四頃有奇於大梅因界

設守八年展界安兵十一處

衡洋山二十名大梨嶺十名白石司

千總一兵二百一十名白石司馬頭十名灣塢

十名梅洋山把總一兵一百名下裴山十名灶

巽十名前郎山十名官嶺十今從福寧右營撥
名鹽田把總一兵一百名
守八汛白石司千總一兵四十名大梨嶺二十
名南浦三十名鹽田三十名灣塢把總

一兵五十名馬頭梅洋一十五名
下邳圯灣十名前郎官嶺十名
候閱定

邑為唐長溪縣地宋寶慶間分而建縣為韓陽

坂即今治也邑水之大者有三金會於城南之

三十一都曰三港口亦曰三溪口疏作三其地

有洋尾寨以海潮所止也其水之自西而來者

出政和之牛嶺曰穆溪過廉嶺曰廉溪自北而

來出壽寧曰平溪以其遶郭之西而南流亦曰

西溪自東而來者出浙之慶元曰長溪將近邑

而秦川大梅化蛟諸溪次第會之合而西流以

其在郭之東也又謂之東溪三溪既滙合流而

南曰蘇洋又南曰六印江曰甘棠港曰芭蕉洋

更出古鎮門則大海矣然猶為內海有重沙二

支自福寧州南出海中又逆插而西蜿蜒遙拱

於邑之南內曰長興外曰大金須自邑之西南

泛海過箬頭幫乃為大洋也

初遷內界自寧德縣至閩坑皆自南而北過閩

坑則浙而西又過小畱而至廉嶺廉嶺一名靈巖巖下有金印石釣魚臺前有雙劍水廉嶺之名始於唐人薛令之有靈谷草堂令之所居也令之嘗聞龍吟之聲後登神龍二年進士開元中累遷左補闕兼太子侍讀時李林甫不愜於太子故宮寮亦見簡畧令之題壁以寓諷曰朝旭上團團照見先生盤盤中何所有苜蓿長闌干明皇見而續之曰啄木嘴距長鳳凰羽毛短

若嫌松桂寒任遂桑榆煖令之遂自病免罷歸上聞其貧命有司資其歲賦令之量口受賜肅宗卽位以舊德名而令之已逝詔官其後人且表所居村爲廉村水爲廉溪山爲廉嶺以旌之所著有明月先生集其弟之子芳杜有行誼卒而鄉人祠之宋政和中山賊湯糝率衆至引弓射祠旁木忽怖伏請命若有物禁之者遂就縛建炎中賊葉儂經此擊祠中鼓不鳴走之溪忽

水暴漲不得涉爲邑人所殲嘉定間賜號靈佑
侯杜四世孫念其亦爲神附祀於祠邑阮氏盜
侵令之墓傍地家輒火見念其指麾於烟中紹
定間賜號顯應侯其旁有城山唐末黃巢之亂
邑民於此築城保聚故名

六印江以江中有六小巽故名上有雙岩先是
文殊寺有大鐘唐末黃巢寇閩過此欲取以烹
牛鐘忽飛入龍潭後潭漸塞復飛入六印江風

雨中時時出沒鏗然有聲宋咸平三年鐘浮衆
舉之不動雙岩寺僧以錫杖挑之鐘自起因畱

寺中

甘棠港舊名黃崎港在六印江下先有巨石屹
立波間舟觸之輒覆溺唐末王審知爲威武軍
節度使欲鑿之難其役乾寧五年夢有神自稱
吳安王許爲助力因命判官劉山甫詣邑祠之
祭未畢而風雷暴作見有一物非魚非龍鱗黃

鬣赤三日夜而風雷息已別開一港甚利舟楫
事聞優詔嘉獎以爲審知德政所致賜名甘棠
港封其神爲顯靈侯梁侍郎于兢作忠懿王碑
嘗紀其事其上有甘棠公館外卽古鎮門一名
白馬門舊名黃崎在邑南一百二十里設有城堡故
爲黃崎分司唐權務也明時徙於長崎而設巡
簡司於此監司行部嘗駐節焉後有泉石峭壁

甚奇泰昌元年邑令張蔚然刊木闢磴求得勝
地置亭其上名之曰青林洞青林者令別號也
令錢塘人錢塘嘗有青林洞云平大萊嶺盜窟也明時置戍今訛爲大梨閩音之
訛也

下裴山新圖作下邳以圮灣而得名也
癸未行四十里官嶺渡河又四十里止福寧州
甲申殷主政分閱桐山予與石學士金中丞先行

返省

元年畫界自杯溪村歷福寧州城

赤岸橋楊家溪店頭至

與浙江分界之沙埕止為福寧州邊邊界以外

斗入海八十里沙埕七十里水澳四十里三沙

三十里北灣鹽田附海十里松山皆移其豁田

地一千七百九十七頃有奇八年展界安兵六

十三處

李園山十名青礁十名尤家大山十名楊梅嶺十名小馬嶺把總一兵六十名

木連山十名南屏嶺十名漁洋嶺十名沙塘把總一兵一百名冲嶺五名大沙五名州前嶺五

名白塔山五名魚井山十名瓜嶺十名呂徑山

十名青浩十名青浩寨把總一兵一百名小灣

嶺十名小澳山十名周灣山十名岐溪二十名

西洋千總一兵二百名橫坑二十名數嶺五名

敖嶺五名范溪五名北崖山五名六都嶺五名

六都半嶺五名三佛塔五名三佛嶺五名黃宰

山五名七溪團五名村保嶺五名村保臺二十

名斂城守備一把總一兵三百名倉頭山二十

名羣頭山十名斗門山十名三墩十名缸窰嶺

十名團山十名斂城後山十名嶺下十名周倉

嶺十名後崎二十名白琳把總一兵八十名店

頭河十名王孫十名鄭崎十名岩前十名塘底

把總一兵八十名塘底東山十名後灣十名桐

山千總一兵二百名東山嘴十名東山十名西

山十名南洋山十名駱駝山十

名戰坪洋十名分水關二十名今從福寧營撥

守十七汛 大金千總一兵六十名州前嶺五名
沙塘七名漁洋高羅十六名積石間
峽十六名羅浮延亭十名小柘洋五名下泔把
總一兵五十五名小馬寨六名龍灣八寶把總
一兵三十名硯石二十名松山十名赤岸十名
青浩牛店千總一兵六十名小浩三沙四十名
七都牙城把總一兵 桐山營撥守十一汛 激城
三十名西洋寨十名 一兵八十名三佛塔三十名秦巽八十名南鎮
把總一兵五十名黃崎三十五名店下三十一
名白鷺三十五名前岐千總一兵四十八名流
江二十名沙埕三十名分水關把總一兵五十
名 候閱定

按連江縣志晉太康三年析侯官縣溫麻船屯

置溫麻縣其治所在今州南三十里有古縣村
蓋盡州境以至羅源連江皆溫麻矣隋開皇九
年廢溫麻入豐縣豐縣者今之閩縣也唐武德
六年以溫麻廢縣置長溪縣在龍首岡即今州
治也既而都督王義童自龍首移治於連江之
北改名連江縣今屬福州而長溪縣治為寧遠
鎮嗣聖十九年復置長溪縣而連江縣如故元
至元二十三年始陞長溪縣為福寧州領福安

寧德二縣明爲直隸州
按州境東西綿亘自周西至於柳溪五十里接
福安縣界自州東一百八十里至桐山接溫州
界其在西境者曰楊梅杯溪下塲溪官嶺皆邊
內海自城南州前嶺三十里至沙塘又南爲漁
洋埤山脈自此分爲二支插入海中一自漁洋
而西歷小馬南屏以至於長興凡一百二十里
一自漁洋而南歷武曲八十里至大金所折而

西歷間夾羅浮至於箬頭幫又一百五十里長
興之北海水盪而東入至於八寶又東至鹽田
上接杯溪諸水在州城西南三十里長興之南
海水盪而東入至漁洋埤其海曰連江其里爲
連海里蓋漁洋左右皆海地形至狹一埂過脈
如蜂腰也自城東門折而南行十里曰松山烽
火寨在焉繞其外者曰松山港過松山港而南
行曰赤岸又南曰後崎而抵於海由赤岸而東

歷青浩稍南至三沙漸斗入海中歷五澳至黎
智墩而止州東之第一支沙也遶其外者曰楊
家溪過楊家溪歷錢大王舖折而南又斗入海
過三佛塔牙城梅花墩至南金墩而止州東之
第二支沙也遶其外者曰激溪上接藍溪過藍
溪歷屯頭太姥山激城秦巖又斗入海過大小
箕營白鷺水澳至南鎮門凡四十里州東之第
三支沙也遶其外者曰董江上接桐山溪過桐

山溪至彩澳折而南又斗入海歷大欄小欄流
江象洋至沙埕而止凡百二十里州東之第四
支沙也遶其外爲白水卽浙閩分界處矣自桐
山又東則爲分水關凡自州東以至分水關皆
迤邐而東北海疆時有紆直之異茲特言其大
較焉

福寧衛在州城中領操屯軍五千六百名

楊梅嶺舊產楊梅宋開禧寺僧始砌嶺路東抵

五里臺西抵十八溪宋嘉定中令楊志捐俸甃石亦號楊公路中險巖亦軍五千六百各鼓鐘山在古縣村舊有鼓樓與山相連亦名鼓樓山稍南爲洪山勢極高聳遠望溫台如在目中相傳葛洪煉丹於此故名石上有篆文六字人不能識

霞浦山下臨江水曰霞浦江卽連江也有青黑玄黃四巽日出照映江水如霞故名宋乾道間

莊元美修道於此見五色鸞鳥來迎遂羽化矣相近五里有牛跡山兩嶺有坳相抱中函方窪如牛蹄之跡溪水至此忽陷入地中伏流數十丈而復出漑漑有聲又有小洪山絕頂天池廣二三畝四時不竭有龍居之其傍爲大小風門霧出卽雨又有蓮花山五峯攢簇如蓮花菡萏山麓有大小二石龜其色瑩白形體皆具首尾欲動亦有圻文

竹巽在海中脈出於洪山

小馬山之旁有四城山上有巨石黑色亦名鐵

印山

硯石江亦卽連江之委也江中有與其平如硯

五代周時有許光大者爲沿海都巡簡江寇至

光大戰歿江水如血者三日屍隨潮歸鄉人立

廟祀之

硯石之旁有東蚶西蚶更西爲長興而地盡矣

外一小孤巽曰蓮花巽又西卽白狐山在海中

當寧德之金垂河口地分兩境以山脊爲界自

北面復轉而東曰小青礁曰李園可復返於鹽

田焉

漁洋埤有二小壟東出北稍短曰短表南稍長

曰南表自是而南爲武曲臺又南曰高羅又南

曰積石又南曰斗米亦稱斗美折而西曰大金

所有城故設操屯軍千一百二十名其山曰南

金山廣袤二十里昔有海客至此館於逆旅遺
金二餅而去逆旅兄弟二人追十里還之客大
詫曰君非常人也異日聲價當比南金因以爲
名宋時有鄭轍以理學稱又有鄭君老十歲能
詩舉咸淳進士山上有江王廟相傳始於唐時
其像木自海浮來是夕見夢于里人曰吾台之
黃岩人也姓江名清里人遂刻木而祠之於此
其南又有小金山支峯曰劍峯而文崎武崎二

山隔水相向相去五里擁把左右上有玉井峯
鍾冠峯羅漢巖金牛跡莖花塢梅花坡遠望之
縹緲如雙螺焉當其前者爲筆架山在海中以
形似得名明嘉靖四年四月土人見五山自海
浮來止於筆架之外峯巒明歷上有草木人馬
往來貿易如織萬衆聚觀良久而散蓋蜃氣也
其旁萊臺下有龍潭邏海者必屏息過之噤不
敢譁萬曆間一守備以爲妄也鳴金鼓舉砲自

若俄而龍起覆溺焉筆架之內兩峙之間曰鴨池以山島四遶風恬水澄如鶩鴨之池也衆險之中以獨安爲奇云自大金而西曰閩峽堡故於此設高羅巡簡司又西曰羅浮相傳此山浮海而來泊船止利北風若遇南風則石崖齒齒不可近旁立石筍山脈屬於閩峽登之可以遠眺中有清泉一泓土往大金下達西洋各半潮水西南風四更抵東湧三更抵礮山自羅浮又

西爲小柘洋又西爲下滸故於此設延亭巡簡司又西爲延亭更西至箬頭幫而地盡焉相傳箬山爲七佛所居其地峻岩一名峻灘有二大石相疊一人撼之卽動衆撼之反不能動旁一石筍高十餘丈凡自大金巴西山徑險仄狼虎反縱人跡罕至也
芙蓉山在閩峽之南海中周二十里可泊北風船五十餘亦有龍潭舟過不可舉砲

馬砌山在芙蓉南海中周十餘里可泊北風船
二十餘上距大金下距西洋各半潮水
盛山在馬砌南周七里可泊南風船十餘以上
三山皆賊藪也更南卽西洋山矣
相近大金海中有浮瀛山一名浮膺山上有四
澳宋元間居民蕃庶鎮北大將軍林國祥居此
明初內徙松山港昔時風濤險惡歲患溺舟其
後流沙漸合始成通港山之南有清潭寺隋開

皇中梵僧闍那崩多建山上有廟相傳其神姓
趙名昱蜀之青城山人仕隋爲嘉州守斬蛟拯
溺蜀民祀之灌口宋開慶初復廟於此元至正
間州大飢神化形爲估客附米舶至閩謂舶主
曰此米至松山必大售利且十倍我爲若先馳
往告彼中牙僧令聚貲以待且授以握中扇曰
若至彼津渡有詰問者以此爲驗言訖遂去是
日松山人夢神告曰米至矣有頃舶果至舶至

具言所以來且出扇以示松山人視之則廟中
塑像所握扇也乃益大驚成化九年移烽火寨
於此初設於三沙外之烽火山海島也置欽總
一員戰船四十三隻兵九百五十三名後以險
遠而內徙焉澳內南北風船俱可泊但苦潮退
易膠外對海中火焰山更出爲長表短表折而
南爲筋竹洋惡礁鱗布柁師苦之夏至後陰陽
相薄沙濤湧沸土人謂之海動雖漁艇不敢出

也北至浙之蒲門南至連江之濂澳近則礪山
大金羅浮箬頭延袤三百餘里皆其信地也其
會哨北會浙船於井下門南會小埕寨於西洋
山嘉靖中把總朱璣以汛地遼闊請分兵船爲
二一泊官澳一泊嵒山萬曆間復增中哨以守
三沙焉人患故時番盜劫掠大衆動輒至人
瓜嶺一名深澳嶺宋孝子王薦居此母沈氏冬
月病渴思瓜不得薦至此嶺遇雪仰天而號忽

見石岩間青蔓離披有二瓜摘歸奉母而疾差
明太祖載之御製孝順事實中嶺畔有馬仙巖
相傳仙人馬姓者居此頂有穴泉隨所至人數
恰可給飲嶺東有東岩岩左有龍井雲氣嘗蒙
其上右有池曰鳳池
赤岸唐林松居此登乾符中進士詞賦爲一時
之冠觀察使李晦奏改其鄉曰勸儒里曰擢秀
以旌之又有文翁龍首二橋皆以嵩得名也其

地又爲紙衣道者墮水處道者爲周顯德間人
清潭謝氏子出家名義韶居常不食以紙爲衣
一日赴齋赤岸被人推墮深潭中咸以爲死矣
及至齋所則道者先在紙衣亦不濕也柘洋水
坑平嶺諸溪皆至赤岸又有倒流溪亦西流合
於赤岸赴海

後崎山與松山夾港對峙全體皆石磊砢奇秀
唐乾符中有陳蓬爲白水仙者居於此能詩嘗

題所居云竹籬疎見浦茅屋漏通星與林嵩友
善宋紹聖間邑宰熊浚明作邑誌言嵩曾孫仲
荀有地里志得之黃忠黃忠得之白水仙云
三沙上有土堡明時居民三百餘家澳內可泊
東北風船三百餘賊所窺伺汛時常設陸兵一
營駐守爲福寧上游最要之地

舊烽火在三沙南海中周十餘里明時有居民
三十餘家原設寨總公署徙後撤之澳內可泊

南北風船六十餘

嶺山在海中舊烽火東二山相連高者曰大嶺
山周四十餘里外窪而中窪如盈孟故舊名孟
山有三十六澳昔多居民洪武中內徙萬曆年
勘丈得荒田三十餘頃擬設屯墾而中止僅爲
漁戶所居有媽宮地產鹿澳內可泊北風船六
十餘在南者曰小嶺山多鹿不可泊船二嶺皆
烽火三沙屏翰也舊設遊總一員戰艦二十二

兵五百十四名以守之與臺山遊相策應北路

叅將汛時駐此旁有艮山有巽曰日巽

或作日巽新圖

有大目小目

七星山在海中崙山之東七巽羅列故名七星

可寄北風小船十餘自官澳鎮下門放洋或自

崙山放洋各三更可至

礮山在大金東海洋中有南礮北礮東礮西礮

亦作桑山音相近也東礮泊北風船二十餘北

礮泊北風船五十餘南礮泊南風船二十餘中

多惡礁過者宜慎西北南風俱自鴨池放洋二

更可到東北風自三沙放洋三更可到倭寇自

北來者嘗至此分艚萬曆末設遊兵統十二舟

守之以不能久泊而撤

楊家溪中有九里潭自漆溪泥溪至此凡九里

過黎智墩而入海人

太姥山高十餘里在州東已百餘里矣舊名才

山今置戍有材堡與之相近太姥者堯時種藍
姬也好施與遇仙人授以丹藥服之以七月七
日騎龍上升後人名其地曰摩霄峯又有太姥
墓在岩洞前一石跌類龜背豎石塔乃太姥既
上升而後人思之葬其衣冠也藍溪源出山頂
卽太姥種藍處每八月烏柏葉落水中作凝碧
色俗傳爲太姥染衣居民候其時取水漚藍染
帛極佳唐乾符中僧師待建國興寺咸通初林

嵩建草堂讀書其中遺址尚存嵩記云山舊無
寺僧師待始築居於此乃圖其秀拔者爲三十
二峯自後精藍鱗次遂成遊觀之區矣遊太姥
者東南入自金峯菴東入自石龍菴卽疊石菴
又山外小徑自北折而東亦入自石龍菴西入
自國興寺寺西有塔北入自玉湖菴菴之東爲
圓潭菴國興寺東岩石尤奇有萬丈崖崖上爲
望仙橋橋西曰白龍潭有龍伏焉洞中諛諛如

鼓聲潭之西曰曝龍峯峯上曰白雲寺又上曰
摩尼宮後有頂天石石有巨人跡二可長二尺
山高風寒夏月猶挾纒樹木無過四尺者石皆
皴瘃秋霽遠望可盡四五百里雖浙水亦在目
中乾符六年記
激城堡下有激溪納秦溪藍溪諸水宋有林守
真者自言永嘉人敝衣蓬垢日醉酒肆中或數
日不食亦無饑色一日忽作百人之饌集諸道

侶夜分舉手謝曰先行矣瞑目而化案有遺札
曰得行便行得去去明月清風爲伴侶火浴有
異香鶴舞之應塔於龍澗之上
秦嶷堡有大篔簹巡檢司牙裏堡卽牙城也有
青灣巡檢司桐山堡在廉江里十七都有蘆門
巡簡司下有桐山溪其出海處曰董江相傳董
奉煉丹山中嘗就此澡浴也山之東有雙髻峯
又有形若龜者曰龜峯山北有岩如伏虎曰白

虎岩宋高曇居此山下孝宗朝爲秘書省著作
郎曇號容齋光宗常書容齋二字以賜之又有
高融者登乾道進士棄官而隱於此作無餘草
堂舊以舟行歸山登舟乘舟里十里宿於靈門
沙埕北鄰浙省之蒲門所澳內可泊南北風船
三百餘浙省商賈於此鱗集互易所齋兩省一
大都會也倭寇嘗窺伺之舊於此設陸兵一營
其地有黃崎山面大海海中屏風山當其前朱

文公避學禁常隱於此作中庸序書其藁於民
家白板扉上後此扉昇入州庫奉爲世寶焉
屏風山在崙山之北南來商船皆自此收澳貧
簞秦與八都青澳皆爲賊衝恃此扞之嘉靖三
十八年四月海寇洪澤珍引倭入寇攻福寧州
分守叅議顧翀固守五晝夜得不陷賊移攻福
安縣破之叅將黎鵬舉率指揮盧鼎臣等大敗
賊於屏風嶼又追之鎮下門獲其四舟賊燬巢

遁去其賊與天敵之難不門蘇共四世賊賊
臺山在屏風山東周十餘里秀聳若臺故名水
深五十餘托澳內可泊北風船五十餘上有娘
娘宮往時倭寇自日本或南麂來者皆就汲於
此八閩上游第一門戶也萬曆三十五年置遊
總一員率戰艦十有八兵六百十九名以守之
以澳中不利南風不能久駐名守臺山實居官
澳耳西北風由官澳鎮下門放洋三更可到南

風由崙山放洋三更可到
鎮下門在屏風山之北故有居民千餘家委稅
官以蒞之澳內可泊北風船百餘北至官澳南
至三沙各一潮水

官澳在鎮下門之北蒲門所之東為浙閩分界
之地澳北泊南風船四十餘為溫屬金盤汛澳
南泊北風船五十餘臺山遊哨所轄也故為賊
所時窺最稱衝要

分水嶺在廉江里十九都浙閩分界處也下有白水江判隔兩省海外夷人雜居閩島者有七種一曰盧亭白水郎則在此江之上盧循遺種也詳見粵紀中其餘又有樂山莫徕遊及般子由夷雲家之屬木

丁亥復至會城丙午出北風無日始北至官廳南五月癸巳朔集諸公會議於公署五日而後定壬寅促裝登舟行十里止虹山橋會同侍郎蘇學

士石主事殷御史張靖海將軍施將軍佟巡撫金都統胡於行帳拜疏曰臣等先在廣東恐誤福建農時已經咨行福建撫臣將沿海應給民耕種田地卽與耕種令其復業後於四月初二日行至閩境復將

皇上愛民至意通行曉諭仍會同該撫遍詣沿海地方萬姓歡呼咸稱向來雖經展界仍有海寇未得安寧今賴

朝廷德威海寇已除復沛

綸音給還原業小民自此世世得沾
皇上洪恩擁馬焚香沿途不絕查福州興化泉州漳
州等四府福寧一州所屬十九州縣原遷界外田
地共二萬五千九百四頃零自康熙二十年展界
至二十二年止已經墾復四千八百八十六頃零
尚餘未墾田地二萬一千一十八頃零并額外老
荒七百頃零共二萬一千七百一十八頃零并交

地方官有原主者令其復業無原主者招徠勸墾
據州縣陸續呈報歸業丁口四萬八百有零承墾
田地一萬七千一百三十二頃零其丁口花名及
拋荒老荒數目并鹽田竈田屯田分晰數目聽該
撫造冊另報令其照例起科其沿邊所有漁課鹽
課已經原任總督姚啓聖於康熙二十年題准開
復現在徵收應無容議惟海禁仍行禁止至於沿
海地方先因遷民立界遍造墩臺各設防兵或五

名或十名或二十名自廣東交界至浙江交界止
有防兵八千八百一十一名今海寇已除遷界已
復沿海田土已經給還應將不緊要處兵丁歸併
緊要處臣等議得南澳一島係閩粵二省咽喉門
戶應設水師重兵先在粵中原請至閩定議今查海
澄廈門已有水師提標官兵分駐而復有專鎮廈
門總兵官領官兵三千員名可以移調應將此兵
移駐南澳聽兩省督提管轄於詔安營撥守分水

關梅嶺寨各把總一員兵五十名洋林村把總一
員兵一百名於銅山營撥守懸鐘所遊擊一員兵
五百名於雲霄營撥守梅洲把總一員兵一百名
荷步把總一員兵五十名漳浦縣已有漳浦總兵
領官兵三千員名復有城守叅將領官兵一千員
名應將城守營裁去止畱總兵營仍於其中撥守
眉田寨連江各把總一員兵一百名東墩赤湖各
把總一員兵五十名銅山已有水師總兵領官兵

三千員名復有水師遊擊領官兵一千員名查銅山逼近南澳南澳旣宿重兵銅山之兵可以減省應將水師遊擊一營全裁其總兵所領官兵亦裁去三分之一兼裁總兵官止畱遊擊二員守備二員千總四員把總八員兵二千名另設副將一員以統之卽於其中撥守八尺門杜濤各把總一員兵五十名古雷千總一員兵二百名六鰲所守備一員兵五百名海澄縣係緊急之處所設副將一

員領官兵二千員名應畱於水師提標撥守石碼遊擊一員兵三百名海門千總一員兵一百五十名橋梁尾高崎劉五店各把總一員兵一百名金門係緊要之處所設總兵官領官兵三千員名應畱其附近處水師浯嶼營圍頭營各設遊擊各領官兵一千員名查二汛逼近金廈金廈旣有重兵二汛之兵相應裁去於金門營撥守圍頭將軍嶼等處遊擊一員守備一員千總二員把總四員兵

八百名鎮海衛千總一員兵三百名再於水師提標撥守浯巽千總一員兵二百名於漳州營撥守江東橋把總一員兵五十名同安縣在金厦之內所有城守營副將一員領官兵二千員名可以減省應將官兵一半及本副將裁去止畱遊擊一員守備一員千總二員把總四員兵一千名卽於其中撥守下店寨把總一員兵五十名於陸路提標撥守竿頭寨把總一員兵五十名洛陽橋把總一

員兵一百名於泉州城守營撥守安海橋把總一員兵五十名於晉江水師營撥守永寧崇武各把總一員兵二百名於惠安營撥守黃崎把總一員兵五十名興化府已有總兵官領官兵三千員名復有城守營遊擊領官兵一千員名應將城守營裁去止畱總兵營卽於其中撥守楓亭寨把總一員兵一百名天馬寨江口寨各把總一員兵五十名再於平海營撥守湄洲守備一員兵三百名三

江口千總一員兵二百名於福清營撥守蒜嶺把
總一員兵五十名海口寨千總一員兵一百名海
壇係海島重地所有水師總兵官領官兵三十員
名應畱查本營向駐鎮東今應責移海壇於長樂
營撥守壘下石龍臺各把總一員兵五十名於福
州城守營撥守烏龍江把總一員兵一百名閩安
鎮海口要衝省會東南門戶所有水師副將領官
兵三千員名應畱於連江營撥守東岱定海各把

總一員兵一百名拱頭寨把總一員兵五十名於
閩安水營撥守小埕千總一員兵三百名下巽北
茭等處遊擊一員守備一員千總二員把總四員
兵一千名於羅源營撥守松山飛鸞各把總一員
兵五十名於福寧營撥守馬鞍山松山港口各把
總一員兵三十名金垂東臺金垂西臺東墻鹽田
下澣各把總一員兵五十名白石司大金各千總
一員兵一百五十名於閩安水營撥守秦興遊擊

一員守備一員千總二員把總四員兵一千名於
桐山營撥守牙城把總一員兵五十名沙埕分水
關各千總一員兵一百五十名共撥兵丁九千五
百一十名仍聽各營照舊管轄其應裁銅山總兵
陳昌現在征進臺灣俟回日該將軍令其赴部候
補改設銅山副將一員聽部照例推補其銅山遊
擊一員守備一員千總二員把總四員兵一千名
銅山城守營遊擊一員守備一員千總二員把總

四員兵一千名浯嶼營遊擊一員守備一員千總
二員把總四員兵一千名圍頭營遊擊一員千總
二員把總四員兵一千名漳浦營叅將一員守備
一員千總二員把總四員兵一千名同安營遊擊
一員守備一員千總二員把總四員兵一千名興
化城守營遊擊一員守備一員千總二員把總四
員兵一千名共官兵七千名應裁但現於經制兵
丁內撥官兵一萬駐札臺灣澎湖不便遽裁俟該

將軍撥定之後將餘剩者具題裁去所裁官兵內
有征進臺灣不必裁汰將陸營官兵裁去頂補可
也

福建屯田明初設置旗軍領種與廣東畧同其
後漸廢半爲民佔而虛額僅存國初領於縣官
照民則徵收初遷界外甚多展界後有福州府
同知附徵福右衛屯田一十九頃零福州府通
判附徵福中衛屯田七十八頃零興化府同知

附徵興化衛屯田一頃零泉州府同知附徵永
寧衛屯田三頃零漳州府同知附徵鎮海衛屯
田四十四畝共一百一頃零併入前拋荒額內
其在各縣附徵者卽纂入各縣拋荒數內不另
列

閩中鹽場有七在福州者曰海口場曰牛田場
在泉州者曰惠安場曰潯美場曰涵州場曰浯
州場在興化者 上里場初遷多在界外今展

復
是日將軍施烺巡撫金鉉提督萬正色俱至行帳
北向跪行請安禮且致辭望
關叩頭別去

癸卯至閩清之溪口行五日各縣賊黨悉內平
丁未過黥淡灘至延平府
已酉至建寧府溯流上瀨易舟以行是日過阿彌
陀佛灘稱絕險凡行三日所過灘不可勝紀

壬子過六牙灘老虎口灘止大園
癸丑過老鼠灘太平灘止古廟灘
甲寅過將軍灘火燒灘止浦城縣
乙卯陸行五十里至漁梁又三十五里過五顯嶺
又五里止廟灣是日過仙陽街真西山先生故里
也在縣北三十里五顯廟規制宏壯踞山之巔萬
竹圍繞間以長松蒼翠襲人衣裾飛流瀑布震盪
於下行者至此每盤桓不忍去

丙辰行十里過楓嶺爲浙閩接壤處又二十里至
念八都又十里至上竿且又五里至羊牯嶺又十
里至仙霞關關有上下兩重中作漢壽亭侯廟石
磴峻絕真天險也又十里至保安又五里至姚嶺
又二十里止峽口至萬樂又三十五里至五嶺
丁巳行五十里至清湖登舟自此沿江入浙矣

梨嶺在乾封鄉之安樂里通衢之江山民以樹
梨爲業有水北流通廣信洪武間令張鵬舉置
關於此表曰梨關正德七年以江西徭寇置戍
焉唐歐陽詹詩曰南北風煙卽異方連峯危棧
倚蒼蒼哀猿咽木傍高處誰不沾衣望故鄉明
鄭善夫詩曰梨嶺遙於楓嶺遙小關高比大關
高傭夫過此如平地一日來回一百遭

高嶺夫... 順風... 彭湖... 閩海... 此據新圖實錄云二百餘

粵閩巡視紀畧

附紀澎湖臺灣

經筵講官工部尚書

臣杜臻述

澎湖有三十六島縱橫三百餘里

此據新圖實錄云二百餘

里閩海實錄云其地勢在泉州料羅漳州鎮海

之界與舊與大擔相對自內地東渡順風一日

二夜可至閩書附晉江縣云地近琉球昔人於

此置兵防琉球今則防倭元島夷志云自泉州

順風一晝夜可至有七澳曹能始志勝云自郡

東出海門舟行三日始至鄭若曾云風順尚有日半之程指揮唐垣京澎湖要覽云係琉球山川地界泉漳興福其去內地也埒於琉球諸書所載不同茲從閩志附之晉江之後云前代事不可考隋開皇中遣虎賁郎將陳稜帥師至其地虜男女數百人而還唐施肩吾有澎湖詩云腥臊海邊多鬼市島夷居處無鄉里黑皮年少學採珠手把生犀照鹹水蓋亦嘗有至焉者明

洪武五年以其民叛服不常大出兵驅其大族徙置漳泉間今蚶江諸處遺民猶存嘉靖之季賊首曾一本林鳳據爲巢穴萬曆元年總兵俞大猷逐倭寇嘗至其地二十年朝鮮告倭且入犯議者謂不宜坐棄澎湖於是設把總一員以十六舟戍之隸於南路叅將及泉南遊擊令與浯銅二寨時相策應其汛地北起北山南盡八

鬪澳地圖作八罩北山龍門港丁字門西與頭曰最

衝娘宮前蒔上澳曰次衝春汛以清明前十日
爲期駐三月而返冬汛以霜降前十日爲期駐
兩月而返後以孤懸海表議罷啓禎以後鯨鯢
荐食益不可問矣其氣候常溫多風少雨涉海
者重絮而行旣至則易暑服其土燥剛不宜木
與禾黍惟多雜茅泉味澀滷其民多泉人僑處
苦茅以居朴野多壽土布爲衣耕漁畜牧以自
給煮海爲鹽釀秫爲酒掇羸蛤魚蝦以佐食葵

牛糞以爨燃魚膏爲油尤多畜羊羊特肥大葶
生山谷間千萬爲羣其主各刻角以誌或烙毛
務耳夜亦不收卒不相亂也黠者或行賈於外
致饒裕其爭訟擇年長者爲主有事則就決之
間有不能平則詣晉江縣陳白以聽斷焉其物
產穀則胡麻菜豆藥則天門冬蒺藜山茨菇蟲
獸則山猪蜈蚣花蛇及鼠山猪類常猪而色赤
性矯健善跳躍捕之不易有毒食之輒發瘡癰

花蛇蜈蚣彌山皆是花蛇大者長丈餘小亦不下五六尺晝日伏藏地下夜乃潛至几案間揣之不嚙卽偶見嚙亦不至大創也海石間出烏魚一名鱚魚本生江南每春日輒來就石廉打子蓋魚子須跳擲乃出也又產白芥菜高五六尺其子中入藥絕佳茉莉千瓣香尤酷烈又有藤蔓可爲燂洗兵船之用其民以地近琉球夜不舉火言夷船望見烟起必來抄掠居中六澳

曰娘娘宮可泊南北兵船五六十艘遊總處之其餘諸島重疊相包無大高山望之不過如覆釜水曰澎湖溝分流東西泉漳人行賈呂宋必徑其間自此以東爲順流其返也過澎湖而西復爲順流自娘娘宮而西至西巔頭曰左哨稍南至蔣上澳曰右哨二哨去中營各水程四十里二哨自相去水程三十里西巔頭有山稍高度可十六丈可泊兵船四十餘其險阨曰內塹

外塹稍北十里曰蟬仔澳可泊南北風船十餘

各有漁寮水源新圖又有大池角小池角吼稍

北二十里曰丁字門其澳迫窄僅可容四五舟

有水源無漁寮為寇夷樵汲所至新圖有大吼門小吼門

過此十里為西北大洋稍東二十里曰鎮海港

員背嶼各有水源漁寮新圖有赤墩萬丈潭土地公金嶼姑婆嶼鐵砧

嶼但水淺礁多舟不易往第於北山築墩探瞭

而已西嶼頭內十里曰菓菓澳可泊十餘舟有

水源無漁寮又自西嶼頭分道至通梁仔瓦硎

港大礪各水程二十里中墩三十里新圖菓菓甚遠中墩

甚近小有不同各有漁寮水源亦以水淺礁多

中墩一稱上門止可遠瞭凡此皆左哨汛遊所及也蒔上澳可

泊北風船四五十新圖其旁有岑圭嶼西行水

程五里有小嶼曰大城與小城相對可泊南風

船十餘自蒔上東北行水程二十里曰文龍港

即龍門港之誤可泊北風船十餘有水源漁寮

新圖其旁凌波嶼為寇夷樵汲必至之地哨邏芝眉嶼旋齒礁

至此而廻稍南五里曰林投仔新圖其旁有鎖管港猪母落水

有水源冬哨始有漁寮春夏無之也由此東北

水程十里曰圭壁港又北五里為青螺仔頭新圖

其旁有洪林罩蚌脚嶼鼎灣仔沙港雁精嶼蟳廣各有水源漁寮但礁

多水淺常於太武山遠瞭及之不能時往金蔴

上而西五里曰楓櫃仔山新圖其旁有大帽山沉礁四角嶼龜龍嶼

番墓有水源漁寮北行水程二十里曰安山仔

可泊南風船二十餘又北十里曰東港尾有水

源無漁寮可泊南北風船二十餘新圖自此復近祖媽宮

左哨汛遊所及畧盡於此西嶼頭之極西又有

吉貝嶼孤隔多礁新圖其旁有布袋澳沙員日嶼沉礧北磽其東有屈瓜飯

籃蓋白沙澳北境盡處也與南面之八鬪嶼遠隔一潮水雖

有漁寮水源均非哨瞭所及也新圖與舊畧異

娘娘宮作祖媽宮大城太武山與之連壤不云

小嶼也自祖媽宮稍西盡西垵仔尾有新城蓋

附紀

寇所築以屯兵者

其旁有後屈潭水燒平牛心礁西衛

而八鬪之

旁澳與甚多

在北者曰鴛鴦窟捕魚坑水按虎井桶盤與三將軍石在西者曰大

花宅小花宅花與草與沉礁大貓與小貓與在東者曰挽毛潭網坡在南者曰頭巾與鐵砧礁

稍遠至西南有湖內社

捷鉄成質潭

東北有尾崧田

將軍柱後代仔

極南有東與平西與平鐘與等更南有

東吉與西吉與斧頭爭等皆明世所不及知也

臺灣舊名東番不知所自始其人聚處無君長

不通中國亦未嘗屬於外番泉漳市舶私與往

來不聞於官司也萬曆三十年為倭所據浯嶼

營將沈有容出舟師擊之有連江人陳第者以

薊鎮遊擊家居與偕往共破倭泊舟大員其曾

長大彌勒等持鹿酒以獻因備詢其土俗及山

海形勢述之成篇第個儻能文起家諸生後乃

去而習武為總兵俞大猷尚書譚綸所賞識遂

以武秩進著有言謬言毛詩古音攷伏羲先

天圖續太史焦竑亟稱之自有第記而後釐考

屬國者始知有所謂東番云其畧曰東番在彭湖外洋中自烈嶼航海一晝夜至澎湖又一晝夜而至加老灣其地起魴港加老灣歷大員堯港打狗與小淡水又有雙溪口加哩林沙巴里大幫坑皆其居也斷續凡千餘里種類甚蕃別爲社社或千人或五六百推子女多者爲社長聽其約束性好勇喜鬪暇輒習走晝夜不止足躡皮厚至數分履棘刺如平地捷及奔馬度終

日之力可蹕數百里或兩社有隙而相攻約日合戰戰已往來如初不復相讐每殺人斬其首剔肉存骨懸之門門懸髑髏多者稱壯士地暖冬夏裸體不知衣冠自謂簡便婦女結草裙畧蔽下體而已無揖讓拜跪禮無曆日文字視月圓爲一月計月十圓爲一年久則忘之故率不紀歲少壯老耄問之不知也交易結繩以識無水田治畚種禾山花開則耕禾熟拔其穗穀粒

視內地稍長特甘香採苦草雜米釀之爲酒間
有佳者豪飲至一斗燕會則置大壘圍坐各酌
以竹筒不設肴核樂則起而跳舞口欲鳴鳴若
歌曲男子剪髮畱數寸披垂女子則否男子穿
耳女子年十五六斷去唇兩傍二齒以爲飾地
多竹大數握長十餘丈伐竹構屋蒙以茅廣長
數丈每族共屋一區稍大曰公廨少壯未娶者
曹居之議事必於公廨取名集之易也將娶視

女子可室者遣人遺以瑪瑙珠一雙女子不受
則已受則夜造其家鼓口琴挑之口琴者製薄
鐵如搔頭尾有兩岐齧而噓之錚錚有聲女聞
納宿未明徑去不見女父母自是每夜必來以
爲常迨產子女婦始往婿家迎婿如親迎婿始
見女父母因家焉養女父母終身其本父母不
得子也故生女喜倍男謂其可以繼嗣云妻死
更娶夫喪號爲鬼殘終莫之醮人死擊鼓環哭

置尸於地四面熾火焔而乾之不棺屋壞乃立而埋之不封不祭將耕戒勿言亦不復相仇殺道路以目田畔相遇少者背立長者徑行無所問華人或故侮之不之較苟違戒則歲輟不登故守之惟謹女子健作女常勞男常逸有盜取人物者嚴剔之尸於市故夜戶不閉禾積塲無敢竊者有牀無几案席地坐穀有大小豆胡麻薏苡蔬有葱薑番薯蹲鴟果有椰蔗毛柿佛手

柑畜有猫狗豕雞獸有虎豹熊鹿鳥有鴉雉鴉雀山尤多鹿人善用鏢鏢長五尺鏃甚銛虎鹿遇之輒斃其捕鹿嘗以冬伺其羣出乃集衆逐而圍之掩羣盡取積如丘陵先屠取其皮角次腊其肉次腊其舌與腎與筋別藏之盛以箱而鬻之華人又能榨蔗爲糖二者其本業也得鹿子必擾馴之刺鹿腸出新飼草未化者必競食名百草膏俗食豕不食雞雉惟拔取其尾以飾

旗見華人烹噉雞雉輒嘔雖居島中不能操舟
畏見海但捕魚於溪澗故老死不與他夷往來
未樂初鄭和航海諭諸夷東番獨遠竄不聽約
於是家遺以一銅鈴使懸於頸蓋狗畜之也至
今傳以爲寶始皆聚居濱海嘉靖末遭倭焚掠
乃避居山倭善鳥銃鏢不能禦也自通於中國
獨見其居山耳漳泉之民至者旣衆克龍烈莫
諸澳往往能譯其語嘗以瑪瑙甕器布鹽銅簪

環之屬易其鹿脯筋角間遺以故衣輒喜見華
人則衣之以相晉接退則襲而藏之得木亦藏
之蓋其人習裸不耐冠履束縛也性頗醇樸自
通中國始有嗜好奸人又給以濫惡之物彼亦
漸悟知爲巧僞矣第之言如此明季阻於海寇
不復相通不知何時爲紅夷所得海逆鄭成功
之敗遁於京口也乘大霧襲殺紅夷守者而據
其地築城以守僞號東寧國或言歲以十萬緡

歸紅夷而假其地以居爲日久矣卒莫知其然
否後鄭成功死於廈門其妻董氏復立子錦勢
益弱降者踵至爭言臺灣中曲折始知其地南
北長東西狹東面皆大山莫知其窮際水皆西
流長者或數百里海逆旣定居規度便近地給
兵屯種而收賦於諸社以自給又多種桐樹及
杲麻爲治船之需或盛言封畛遠闊獠人錯居
多奇怪有三指人爪銳如鳥蹠躑山林如猿獮

居於樹顛樹絕大其顛平廣可置屋其入亦能
耕獲得穀輒徙置樹上又善弩人迫之輒注矢
下向終莫能近也又有長髯矮人僅如十歲小
兒而鬚皆過腹或又言其巢特險固水道紆迴
惟一徑可入欲往者必自澎湖易舟而令諳習
者爲導乃能至或又言地時時震又多颶風屋
易壞多至三年必再構矣言人人殊亦有圖形
以獻者事涉詭詐不足信也迨海逆入居漳泉

再遁於廈門而錦又死獨雉子克塽在悉以兵
事委其僞武平侯劉國軒而專總財賦則屬之
僞忠誠伯馮錫范錫范者克塽妻父也於是督
臣姚啓聖提臣施琅咸言臺灣可取狀上命會
議有

旨允行康熙二十二年春琅自闕下至閩啓聖已調
集各鎮之師飭軍資峙糗糧列艦以待官軍在
行者皆有重犒師行以風不利而返再出復却

回六月啓聖親餞琅於銅山從容言曰將軍師
期已三易矣每行必竭厯屯軍賞力已盡矣嗣
後不能爲將軍再治行敬奉白簡以待命於下
吏克敵與否在今日矣惟將軍圖之琅念時方
盛暑多南風意躊躇未決乃業已力任而啓聖
繩之又急遂慷慨行爲書決別妻子誓必死諸
將士當行者皆作書抵家處分後事無一還心
合提標及興化平陽銅山金門海壇廈門諸鎮

之師共數萬人舳艫數百馮牙舉帆自銅山南
向而啓聖亦進屯廈門爲聲援煨舟旣至大洋
風日恬和海波偃息安行如內地遂以初十日
至澎湖之外島當是時賊將劉國軒以二萬衆
守澎湖昔日哨遊重地皆爲所據煨泊舟處非
向來屯駐地也賊望見之皆大笑曰此不足煩
吾兵潮至自碎耳蓋海道收泊有常處必澳曲
乃可以避風潮否則潮乘風勢能舉舟拍沙上

卽至堅之舟不過三四掀播無不震裂矣煨亦
習知海事心竊危之顧無可奈何稍擇便處相
守十二日潮竟不至而天忽大霧咫尺不見人
是爲六月二十二日也煨告諸將曰潮汐有常
而十二日不至方夏多颶風而無風此天相我
成功也非

天子洪福不及此然倖不可屢邀更需時日而潮至
颶作必敗無疑矣今日請與諸君共破賊諸將

亦以爲然請舉砲煨曰不可火器彼之所長彼
聞砲聲卽知我軍所在而尋聲以擊我我不能
敵也不若乘大霧未解而直趨其中堅彼不意
我至必驚亂我躍登其舟短兵相接庶可取勝
衆曰善於是分其舟爲二以興化總兵吳英爲
左冲鋒金門總兵陳龍銅山總兵陳昌繼之而
廈門總兵楊嘉瑞當其後平陽總兵朱天貴爲
右冲鋒提標前營遊擊何應元提標署中營叅
將羅士珍提標右營遊擊藍理提標署後營遊
擊曾成繼之而海壇總兵林賢繼其後偃旗臥
鼓魚貫以入餘舟八十艘畱爲後應軍方行而
潮至水驟湧四尺舟行通利無礙煨與諸將皆
色喜度已附賊舟競擲長鑱巨鉤首尾鉤之我
舟與賊舟相混糾結不可解朱天貴林賢吳英
先登諸將士奮勇騰躍競上賊艦賊方茫昧不
及辨而刃已及身大亂趣舉砲鉛甫脫口鎔而

未堅勢亦不猛着鐵皆如泥不能傷我軍我軍
大呼殊死戰無不一當百因縱火焚其舟自巳
至未賊大敗殺死焚死跳溺死者萬二千人獲
賊舟甚多劉國軒以數舸逸去餘創殘八百人
並詣軍前降朱天貴冒矢石負重傷所當賊十
二艘焚溺幾盡猶稱寧死不退追擊不已忽有
飛砲中項立斃天貴本浙鎮以畱後策應調之
乃自願爲前部卒戰死時論壯之賊守山者曰

僞將軍楊瑞見水軍已敗率僞官一百六十五
員僞兵四千六百五十三名全軍降初煨將出
師夢觀音授以水一桶覺而曰水者海也一桶
者大一統也我今茲必破賊乎又軍士有宿於
關壯繆廟者忽聞空中呼曰選大纛五十杆助
施將軍破賊煨聞之益自喜至是果驗煨得降
者皆厚撫之錄所獲水軍創殘八百人給以糜
粥酒葢遣醫爲裹傷傅藥召見之曰若等欲歸

乎皆叩頭言逆天宜死得不死足矣安望歸煇
曰不然汝一軍盡歿父母妻子必謂汝等已死
日夜悲泣今縱汝歸復見父母妻子寧不甚樂
朝廷至仁如天不得已而用兵降卽赦之耳汝今歸
爲我告臺灣人速來降尚可得不死少緩卽爲
澎湖之續矣諭訖而遣舟歸之八百人皆感泣
去旣至則展轉相告歡聲動地諸僞將僞兵聞
之爭欲自拔來歸禁之不能止劉國軒自澎湖

敗還固已膽落至是見人情大率已解散始決
計勸克塽歸附矣始煇告捷且言臺灣港道紆
廻南風狂湧須俟八月以後乘北風而行且遣
書咨之督臣啓聖啓聖以爲賊已大創宜乘勝
急擊若少遼緩之令賊得保聚勝敗未可知也
又廉知官軍破賊後藥彈火器率已罄盡甚至
撞毀鐵鍋爲裝砲之用遂爲書報煇言當速進
且送角弓五百張柳箭三萬枝火藥二萬觔火

礮一萬五千筒噴筒三千枝火箭八百箱黑鉛
四千觔大小鐵子二千枚出窩蜂子一千觔緞
紬袍褂乾練袍掛各數千領鞞帽若干件賞功
銀一萬兩煨得書大喜悉以諸資具散之軍中
軍中人人鼓勵計日渡海滅殘寇取重賞賊聞
之洵懼閏六月初八日僞藩鄭克塽遣僞官鄭
平英林惟榮曾蜚朱紹熙齎降表至軍前請舉
國內附爲東方屏翰煨告之曰仍居故土不敢

擅許審欲降者當如幕府約因要以三事一必
須劉國軒馮錫范親身來二必須納土獻版籍
三必須僞官兵遵制剃髮舉家內徙聽朝廷安
插使人銜命去七月十五日克塽復遣僞兵官
馮錫珪僞工官陳慶煒劉國軒親弟僞副使劉
國昌馮錫范親弟僞副使馮錫韓同前使曾蜚
朱紹熙來復奉書至軍前請悉如約且言南北
淡水駐防僞左武將軍何祐僞左先鋒李茂等

金已撤回地方金已效順但請頒給告示曉諭
剃髮而何祐等降款亦至十六日提督煇畱劉
國昌馮錫韓於軍前而令侍衛吳啓爵六品筆
帖式常住齋告示五通與錫珪等偕往曉諭臺
灣軍民見

天使渡海合境驩呼投戈剃髮向化恐後居亾何克
塽降表至奏繳僞延平王印一顆冊一副僞武
平侯印一顆僞忠誠伯印一顆盡籍其境土數

千里戶口數百萬爲圖以獻但以宗族類多齟
穉南人不諳北土請就近安插煇爲代奏廷議
許之於是克塽及僞將士等盡納其器仗於軍
前舉族內徙提督煇身自渡海行定新附地而
絕域盡入版圖矣是役也

天子念渡海遠戰將士勤苦賞卹皆從優厚提督煇
授靖海將軍世襲罔替死事鎮臣朱天貴特贈
太子少保授一子爲廕生餘將士陞賞有差以

劉國軒率先歸順授爲天津提督克塽至赦其
罪優以公秩居京師而臺灣置郡縣如內地焉
按圖東境果皆連山而臺灣城則西面海中一
孤巖也稍近南城之西皆大海而沙線重複舟
不可近城之南一沙埂屬於內土曰萬丹湖湖
之旁有港東入曰燒港卽陳第所謂堯港也埂
上置七崑身崑身者山阜之名列兵守之如內
地斥候也城之東乃大海澳沙埂遶之城之北

有水徑曰馬沙溝紆迴以入於澳其近澳之口
曰鹿耳門築城守之澳縱廣可數十里兵船宿
其中由此乃可以至城之東而登岸焉馬沙溝
外又有沙線數重置南北崑身以守寇所倚爲
奇險者在此也自馬沙溝西南有孤巖曰海翁
澗爲走澎湖道澳之西岸有城曰赤墩蓋亦寇
所築城之南有十二街有文廟旁有港不知名
城之北有花園旁亦有港疑卽陳第所謂大員

港也城之東有天興萬年二州有內菜園有嘉

祥長治維新三里有二層營蓋皆寇所規度為

營田處也又東有上港岡中港岡下港岡郎林大岡山小岡山大香洋小香洋中

洲仔鄉仔潭柳自是極東曰啞猴林即大山窮仔林沉坑仔

處自赤墩城南行一百四十里至赤山仔稍西

為鳳山港又西近海為打狗山即陳第所謂打

狗嶼也寇置砲城在焉其旁有半平山凹底自山觀音山大宅基

赤山仔又南八十里至上淡水又二十里至下

淡水此所謂南淡水寇置戍處也陳第謂之小

淡水自下淡水十五里至力力社又十五里至

茄藤社又六十里至放索社又八十里至茄落

堂又一百二十里至浪崙社自赤墩城至此共

五百三十里南路盡處矣近海處曰沙尾岐頭小琉球在

其西南而淡水之東有傀儡番在大山中亦號

令所不至也自赤墩城北行歷大橋小橋二港皆經

花園其港為一百二十里至新港社新港

西行出海口有目茄洛灣卽陳第所謂加老灣

也港北有名籠社黎頭標社有大目其北又有

歐王溪歐王社在其旁又有大小自新港社西

南五十里至麻豆社水西出曰莽港卽陳第所

謂翹港也其旁有茄哩與雙溪口皆第記所有

自此以北第不及知矣又有大龜肉鐵線自麻

豆社東行九十里至朱羅山其旁有啞里山倒

竹水西出曰蚊港其旁有三登溪牛朝溪八掌

溪上茄東下茄東龜佛山土

獅仔南世自朱羅山北行一百里至他里務其

有猴悶社石龜溪打猫社又北一百二十里至

大武郡水西出曰磚仔坵其旁有東螺社西螺

仔坵冷自大武郡又北六十里至半線社水西

出曰大肚溪其海口曰鹿仔溪其旁有捉辣社

馬之遴自半線社又北一百一十里至水里社

其旁有福羅社東有大山曰黑沙是裡買猪末

牛罵社沙轆社

裡皆盡境也自朱羅山至水里社皆地之東境

至此乃折而西行三百里至大甲社又西一百

四十里至房裡社又西一百三十里至吞韶社

其水之西出者曰大甲溪其旁有雙寮社崩山社宛里社茅干社

自吞韶社折而西北一百三十里至後籠社又

二十里至新港仔水之西出者曰後籠港旁有茹世

關合自新港仔北行四十里至中港社中港出

焉又北一百里至竹塹社竹塹港出焉又北二

十里至眩眩社又北二百里至南坎社南坎港

出焉其旁有霄里社查內折而東八十里至八

社龜崙社坑仔社

分里社旁有奶又東過江十五里至淡水城此

奶社

所謂北淡水也寇亦置戍為北面重鎮江源有

二皆出於東境大山峻灘斗瀉一經首冕社一

經房是仔社皆西流至外八投社而合合處有

峭壁夾峙於江之東西曰干豆門江自此折而

北入於海在江南者曰擺接社瓦裂社龜崙社

里末社在兩江中者曰著匣社奇武

子社巴浪泉社在江北者曰麻里則孝曰自淡

峇峇攸曰奇兩峯曰里簇社麻少翁社

水城東行三十里至奇獨龜崙社又東六十里
至龜州社有龜州山橫山又東六十里至大屯
社又東四十里至小雞籠自中港社至此皆濱
海西北境小雞籠外大海中有二石對峙曰旗
杆石寇熾時策取臺灣者嘗欲自雞籠趣淡水
掩賊不備爲奇功卽此地也其地有支壘斗入
海必踰此乃可前土人謂之跳石凡一百五十
里至金包里社又東十里至金包里內社又

有支壘視前更大跳越較難曰跳大石凡行二
百里至雞籠頭過江二十里至雞籠城自此以
上無路可行亦無埃澳可泊候夏月無風用小
舠循海墘而行一日至山朝社又三日至蛤仔
難社又三日至哆囉滿又三日至直脚宜直脚
宜以上人跡不到矣自赤墩城至雞籠城二千
三百十五里朝議卒按圖設府一縣三曰臺灣
府曰臺灣縣曰鳳山縣
力力社眩眩
社皆有鳳山曰諸羅縣

即朱羅社又設巡視廈門駐札臺灣副使一鎮守臺

灣總兵一率八千人守其地



